

萬 有 文 庫

第 二 集 七 百 種

王 雲 五 主 編

道 園 學 古 錄

(一)

虞 集 撰

商 務 印 書 館 發 行



世界地理體構

(中)

著 青 山 信 雄

譯 張 資 平

自然科學小學叢書

雍虞公文序

斯文與造化功用相彌綸。國家氣象相表裏。故文人生於世有數。文章用於世有時。斯言若夸。理實然也。皇元混一之初。金宋舊儒。布列館閣。然其文氣高者。崛起下者。委靡。時見舊習。承平日久。四方俊彥。萃於京師。笙鏞相宣。風雅迭倡。治世之音。日益以盛矣。于時雍虞公。方回翔。胄監容臺閒。吾鄙有識之士。見其著作。法度謹嚴。辭指精覈。卽以他日斯文之任歸之。至治天曆。公仕顯融。文亦優裕。一時宗廟朝廷之典冊。公卿大夫之碑板。咸出公手。粹然自成一家之言。山林之人。逢掖之士。得其贈言。如獲拱璧。公之臨文。隨事酬酢。造次天成。初無一豪尙人之心。亦無拘拘然步趨古人之意。機用自熟。境趣自生。左右逢原。各識其職。故自其外觀之。如深山穹林。葱蒨鬱鬱。莫測根柢。鉅野大澤。汪洋澹泊。不爲波濤。試刺其中。則日月之精。凝結歲久。皆成金珠。龍虎之氣。變化時至。卽爲風雲。孰能窮其妙也哉。太史夏臺。劉君伯溫。蚤歲鼓篋。從公成均。及爲江右肅政使者。近公寓邑。乃哀公之文。將傳諸梓。書來京師。屬玄爲序。玄惟李漢於昌黎。子瞻於廬陵。皆能知而能言者。走豈能爲前人役乎。第於公有世契。生平敬慕公之文。以附著姓名爲幸。又高劉君政事之暇。敦篤風誼。如是。遂不敢辭而爲之序。至正六年二月。翰林學士承旨榮祿大夫知制誥兼修國史歐陽玄序。

道園學古錄目錄

卷之一

賦

別知賦送袁伯長

古劍賦

畫枯木賦

木齋賦

操

思魯琴操

古詩四言

味經堂詩 有序

題宋誠甫侍郎垂綸亭

高彥敬青山白雲圖

趙忠簡公祠堂詩

賦衛節婦王夫人

題學易齋

古詩五言

諼草生竹間

高竹臨水上

月出古城東

書上京國子監壁

至治壬戌八月十五日榆林對月

續秋日梨花

李老谷

上京有感次韻馬伯庸

賦水木清華亭

續詠貧士一首

又一首答舍弟見和

後續詠貧士四首

觀花有感

赤城館

同閣學士賦金鴨燒香

退直同柯敬仲博士賦

送良上人賦得井上桐

送吳子高

于仲元舍賦紅梅

寄題新冶亭

題儋耳東坡載酒堂

盜發亞父塚

應制題吳王納涼圖

步虛詞四首

題商學士畫

贈藝監小吏

記子昂畫

送西臺治書仇公哲

送張道士歸上清

日出行

贈治冠者

贈寫真修士明

寄陳衆仲上都作

贈鐵菴道者二首

贈商德符華山圖

寄幻庵主者

賦茅山道士雲松巢

酬上清道士鈔陰何詩

題李漑之學士白雲半間

題浴日觀

爲范尊師賦雲林清遊

吹笛圖

送甘以禮調官歸鄉

送李彥方閩憲

題鄭秀才隱居

題朱邸竹木

詠史

畫古木

賦蘇伯修滋溪書堂

題薛外史瓊林臺

送張兵部分題得屋上鳥

題彭澤陶氏家譜

卷之二

古詩七言

賦洛川老人九十

張令鹿門圖

子昂畫馬

淇淇行

家兄孟修父輸賦南還

子昂墨竹

商德符畫幽篁古木

賦吳郡陸友仁得白玉方印

爲達兼善御史題墨竹

畫鶴

題畫

寫廬山圖上

題旦景初僉司畫

題柯敬仲畫

白翎雀歌

敬仲畫扇

題簡生畫澗松

題繼志堂後

題柯博士畫

題高彥敬趙子昂共畫一軸

題溧陽胡氏雪溪卷

題楊友直枯木圖

題詹圃老梅圖

酬蕭侯送蒲萄

題袞塵騶圖

律詩五言

林臯亭

題子昂長江疊嶂圖

挽胡伯恭令尹二首

題雪谷曉行圖

送先隴二隣僧還吳二首

節婦王夫人劉氏

次韻阿榮存初見寄

雪谷早行

雪巖樓觀

送人之劍閣倅

寄子山尙書

漫興

送張尙德

寄丁卯進士薩都刺天錫

送趙繼清令尹之官安陸

明皇按樂圖

送長沙守

送趙編修祀西嶽江濱

代衆仲作

題宋雲舉太常臨汾二節婦序後

送王照磨之官雲南

玉堂燕集圖

寄答桂風子先生

寄蒲田先生

鄭谷圖

畫檜

李員嶠墨竹

爲歐陽少監題宋好古竹

贈楊友直

題朱邸竹木

寄阿魯鞏學士

赤壁圖

題况肩吾縣令贈行卷

送朱萬初之廣東照磨

八月八日有感題視草堂壁

賦程氏竹雨山房二首

戲作試問堂前石五首

代石答五首

送魯子鞏廉使之漢中

立春夜試墨

蜀人曲江之官贈以墨竹

正月十一日朝回卽事

贈別兵部崔郎中

次韻筠軒

次韻李侍讀東平王哀詩

慶史顯甫治書父八十

送國王朶兒只之遼東

送陟碩

奎章玄玉

送趙子期宣詔交趾

卷之三

律詩七言

送袁伯長扈從上京

代祀西嶽至成都作

贈星上人歸湘中

子昂秋山圖

題黃竹村所藏畫卷

過池陽與周南翁同知

安慶路雙蓮寺得上人超然亭

謝茅山主者贈白羅襪衣請爲作大洞祖宗師四十五贊

送莫京父廣憲經歷

遊尙書何公山莊四首

次舍弟仲常葬黃氏妹傷感韻二首

題故太子少傅翰林承旨李野齋幽居圖

送江聲伯

同歐陽原功待制宿齋宮賦

次韻張淡菴青山寺詩

次韻國子監同官

次韻馬伯庸學士見貽詩并簡曹子貞學士燕信臣待制彭允蹈待制二首

賦國史院鰲峯石

進講後侍宴大明殿和伯庸贊善韻

十一月二十夜思仲常弟

次韻道士竇神清賦舜粟

賦道士張彥輔爲徐中孚作江南秋思圖

贈竇神清歸隱茅山

題南野亭

送貢仲章學士奉祠嶽瀆

次韻吳成季宗師赤城阻雨

次韻伯庸尙書春暮遊七祖真人菴兼簡吳宗師

送宋誠甫太監祀天妃

觸石墜馬臥病寄漑之學士敬仲參書

閒閒宗師和前韻期望過當復用韻以謝

雲州道中數聞異香

次韻楊友直北行道中

王儀伯參政見和郊字韻詩復用韻敘謝

十月十六日李漑之學士宅宣旨賦并得其鎮紙玉蟾

次韻馬伯庸尙書

送甘太史祀名山大川

就甘太史并寄天台武夷太無三君

子昂墨竹

廿五日卽事呈閣老諸學士

賦胡氏皆山

賦碭山成簡卿心遠亭

送全州錄事

送蔣山善公

玉堂讀卷

謝吳宗師送牡丹

和范德機從楊撝進士見寄

送進士劉聞赴臨江錄事

贈別錙性粹中支渭興文舉二賢良

賦別羅朋友道

贈趙生

贈昇龍觀主

訪李真人不遇

賦壺洲

完哲篤下第歸蜀

吳宗師夢予得山居奇勝特甚夢覺歷歷分明忻然相告賦此

答李簡伯司業分俎

次韻朱本初訪李溉之不遇

寄趙子敬平章

仁壽寺僧報更生佛祠前生瑞竹有懷故園

題張太玄爲陳升海畫廬山圖

別國史院鼇峯石

神鳳琴

繼陶居士傳

謝書巢送宣和瀘石硯

送蘇伯修御史

次韻柯玉文寄別

謝書巢惠梅花

再用韻簡巢翁

送玉泉長老栗木果

送王君實御史

寄句曲外史張伯雨

寄答馬昂夫總管

觀大洞經書與董道士

送劉宗師歸茅山

與薩都刺進士

送歐陽元功謁告還瀏陽

送王師魯編修祀南鎮

次韻楊友直

題東平王與盛熙明手卷

和馬侍御西山口占

到先壠爲墓人書

八月十五日傷感

題煖翠亭

送許有孚赴湖廣提舉

賦石竹

寄賦朶兒只平章紫微亭

賦碧筠堂

奉同吳宗師賦蔡七祖新齋

次韻吳宗師

寄來鶴亭主人

送王中夫赴安慶教授

送張兵部巡視運河

謝吳宗師惠墨

再和

三用韻答巢翁

四用韻寄吳宗師謝夏真人

謝吳宗師送牡丹

題著色山圖

題熊太古畫

送趙伯常自中臺出貳淮憲

送淨慈書記

送趙秉彝

題畫

城東觀杏花

題張希孟中丞送畢提點申達卷後

寄海南故將軍

次韻宋誠甫學士城南訪病暮歸

寄泉南三老人

次韻答衆仲助教相壽之句

題康里子山尙書凝春小隱六韻

次韻杜德常博士萬歲山

次韻宋顯甫

絕句五言

宴陳公子宅贈燕學士

宣和墨竹寒雀

上馬

題且僉司所藏惠甄腐瓜行蟻圖

雙鴛圖

畫扇雀竹

畫扇柳蟬

畫雙蝶

商德符畫松

河梁泣別圖

題蒙古松壑書

捕魚圖

子昂畫

雜寫

題柯敬仲雜畫

題李溉之學士湖上諸亭

題熊太古畫

敬仲竹樹古石

六言

題柯博士九疑秋色圖

題柯博士畫

卷之四

絕句七言

次韻竹枝歌答袁伯長

木夫容

水夫容

送四川憲使

曹將軍馬

舊屋

誰家

馬圖

留別叔父南山翁

王母圖

竹杏沙頭鸚鵡

閩州海棠

畫猿

記夢中詩三首

題周東陽進士爲南郭園林記後

維摩

錢舜舉折枝夫容

商德符小景

天曆改元十月題子昂馬

寄馬伯庸尙書

商德符小景

賦故宋李忠襄公烏石渡舊隱

訪杜弘道不值道中偶成

聽雨

春雲

與趙子期趨閣

玉堂讀卷雜賦次韻

題陳衆仲送人之官南平序後

院中獨坐

題歐陽原功少監家柯敬仲畫

子昂人馬圖

題風入松詞後

題畫古木

桓州驛題壁

子昂幽蘭修竹

子昂竹石

畫竹石

酬書巢送棕帚

子昂畫

送上黨長

畫馬

畫羅漢

題納涼圖

題畫

題趙子固山礬瑞香水仙叢蕙

息齋竹

冬至前一日答吳宗師

題吳彩鸞所書唐韻

壬申芝亭春帖子

華萼樓宴集圖

爲歐陽學士題子昂墨竹

送道士趙虛一歸金陵

題子昂春江聽雨圖

賦思州田氏楊夫人柏舟堂

次韻杜德常秋日西山有感

題畫柯教仲雜畫

黃筌夫容乳狗

題柯敬仲畫

題蔡端明東坡墨跡後

題著色山圖

題東坡帖

題畫

題李氏清溪精舍

題李氏浩然堂

聽雪軒

放鶴亭

臘日偶題

無題

與陳升海

與陳道士

題扇與周榦臣

樂府

次韻禮院孟子周僉院秋夜曲二疊

招熊少府

廬山尋真觀題法曲導引

題梅花寒雀圖

柳梢青題楊補之梅花

風入松

頌

皇太子受寶頌有序

郊祀慶成頌

銘

劉氏求志齋銘

益齋銘

陳伯升新齋銘

中齋銘

陶硯銘

洮硯銘

硯銘

潭心銘

永思堂銘

贊

御書贊

御書贊

臨川吳先生畫像贊

自贊

魯子翬僉院畫像贊

奎章閣大學士光祿大夫忽公畫像贊

蘇君真像贊

西夏幹公畫像贊有序

天根子贊有序

橐駝圖贊

大象圖贊

謝靈運小像贊

卷之五

序

雲南志序

臺城董氏世譜序

高唐李氏世譜序

田氏先友翰墨序

游長春宮詩序

送許世茂詩序

李景山詩集序

女教書序

送文子方之雲南序

題史秉文資陽故譜序

送集賢周南翁使天壇濟源序

送彭德經歷韓君赴官序

送蘇子寧北行詩序

送李亨赴廣州教授詩序

送廉充赴浙西憲司照磨序

送李擴序

送李完赴建德總管序

經世大典序錄

張師道文藁序

忠史序

送憲部張樂明大夫使還海東詩序

易啓蒙類編序

送杜立夫歸西蜀序

送朱仁卿赴安慶教授序

送趙茂元序

送熊太古詩序

卷之六

序

國子監後圃賞梨花樂府序

贈何明之序

李仲淵詩藁序

本德齋送別進士周東揚赴零陵縣丞詩序

安敬仲文集序

題尹先生壽詩序

送李仲淵雲南廉訪使序

魏氏請建鶴山書院序

兩尹先生慶九十壽詩序

送魯遠序

吳張高風圖序

送翰林編脩王在中奉祠西嶽序

孔林廟學新設管勾簡西碧之任詩序

隴右王汪氏世家勳德祿序

送祠天妃兩使者序

詔使禱雨詩序

國子監學題名序

送江西行省全平章詩序

送李道濟之官夷陵詩序

送達溥化兼善赴南臺御史詩序

送進士劉楨序

陳雲嶠省親詩序

宣城貢先生慶八十詩序

送甘以禮詩序

曾魯公世家盛事集後序

禁扁序

送趙茂元歸鄉序

記

西山書院記

鶴山書院記

白鹿洞書院新田記

尊經閣記

王先生祠堂記

小孤山新修一柱峯亭記

致慤亭記

孝思亭記

知還齋記

誠存堂記

克復堂記

樂善堂記

沛縣尉李君美政記

天爵堂記

劉正奉塑記

道園學古錄 目錄

卷之八

記

新昌州重修儒學宣聖廟記

光澤縣雲巖書院記

董澤書院記

藍山書院記

舒城縣學明倫堂記

滕州學田記

滕州性善書院學田記

中書省檢校官廳壁記

京畿都漕運使善政記

潼州王氏忠孝堂記

王氏山南隱居記

松友記

可庭記

悠然亭記

琅然亭記

思蘭亭記

卷之九

記

慈利州天門書院記

順德路魏文貞公宋文貞公祠堂記

平江路重建虹橋記

悅生堂記

思學齋記

高氏貞節堂記

德符堂記

書隱堂記

興雲橋記

說

尙志齋說

題王氏子五歲女弟說

李士弘三子字說

李克峻字說

書曾仲禮字說後

劉仲經字說

卷之十

題跋

天曆聖旨

題趙秘書景緯所撰知郡王公庚應墓碑後

跋陸友仁所模金石款識

題孝節堂記後

書王氏草韻後

題宋孝宗書貞觀遺事

跋御筆除丑閏太府太監

題臨川吳先生所述劉伯宣事狀後

題楊將軍往復書簡後

題心遠卷後

題吾子行小篆卷後

書古劍銘後

題和林志

題真西山畫像

跋王端明畫像

跋大安閣圖

題王忠簡公進士謝恩詩後

題朱侯所臨智永千文

題故國子司業李公挽詩後

題王夫人貞節詩卷

題鮮于伯機與嚴處士翰墨

題鮮于伯幾小象

跋子昂書陰符經

跋陳信仲行卷

又

跋魯祭酒試諸生聯句

題湯東澗與張文子手帖

題宋諸陵畫象後

題閬州陳彥和致樂堂記

題陳彥和魁星圖

題晉陽羅氏族譜圖

題咬住學士孝友卷

書蕭氏官誥後

書仁本堂記後

跋晦菴與蔡季通書

題義士卷

跋謝太傅中郎帖

跋紹興三年召故參知政事歐陽修之孫世興赴都堂審察省劄

題申屠子邁畫馬圖

題朶來學士所藏御書後

題御書奎章閣記後

題蕭氏家世事狀

題蕭從道平雲南詩卷後

題米南宮墨蹟

題黃山谷墨蹟

題宋高宗書便面

卷之十一

跋

跋朱文公白鹿洞賦草跋

紡績圖跋

約齋跋

王逸老草書跋

子昂墨竹跋

安生送行詩後跋

題劉貢父蘇子瞻兄弟鄧潤甫曾子開孔文仲兄弟廣和竹詩墨蹟

跋王贊善遺事後

順菴銘跋

題趙樊川與張侯手書

題山谷書食時五觀

子昂臨洛神賦跋

王維輞川圖後

所翁龍跋

題張彬孝義手卷

金壇李氏唐語跋

題吳傅明書并李唐山水跋

跋晦翁書後

歐陽元功待制瀟湘八景圖跋

李木魯氏貞節跋

書趙學士簡經筵奏議後

跋高宗御書

孟同知墓志銘跋

題諸公與曹士弘文

跋葉振卿喪禮會紀後

題程氏遺子元氏送女二詩

題高宗臨顏魯公乞米帖

題董溫其官誥

又題

題子山學士所藏永興公墨蹟

跋申屠君墓表後

卷之十二

奏疏

奏開奎章閣疏

表箋

經筵謝宣表

中書省慶親祀禮成表

國子監賀親祀告成表

卽位太傅府賀表

中書省賀元正表

正朔中書省賀中宮箋

翰林國史院賀天壽聖節表

上尊號翰林國史院稱賀表

賀册皇后表

中書省賀皇后受册箋

監修國史府賀皇后受册箋

建儲中書省賀皇太后箋

建儲翰林國史院賀皇太后箋

賀登極表

代中書平章政事張珪辭職表

講畢奏特加藁城董氏封贈表

謚議

中書平章政事趙璧

兩淮轉運副使潘瑒

中書平章政事何榮祖

陳文靖公謚議

嚴

書啓

請吳先生書

慶章廬先生初度啓

回吳先生慶初度啓

賀海南將軍啓

賀原功少監初度啓

除夜以獐送歐陽少監

答歐陽少監餽歲

答原功待制慶初度啓

回胡貢士啓

答簡西碧餽歲啓

卷之十三

碑銘

上都留守賀惠愍公廟碑

賀丞相神道碑

趙文惠公神道碑

兩浙運使智公神道碑

福州總管劉侯墓碑

卷之十四

碑銘

淮陽憲武王廟堂之碑

知昭州秦公神道碑

真定蘇氏先塋碑

卷之十五

碑銘

嶺北等處行中書省左右司郎中蘇公墓碑

牟伯成墓碑

桐鄉阡碑

戶部尙書馬公墓碑

洛陽楊氏先塋碑

國子助教李先生墓碑

卷之十六

碑

御史中丞楊襄愍公神道碑

大宗正府也可札魯火赤高昌王神道碑
孫都思氏世勳之碑

卷之十七

碑

徽政院使張忠獻公神道碑

宣徽院使賈公神道碑

翰林學士承旨劉公神道碑

高魯公神道碑

卷之十八

墓誌銘

賀丞相墓誌銘

中書平章政事蔡國張公墓誌銘

張隱君墓誌銘

熊與可墓誌銘

林彥栗墓誌銘

項鼎墓誌銘

揭志道墓誌銘

卷之十九

墓誌銘

王知州墓誌銘

曾巽初墓誌銘

胡彥明墓誌銘

趙曼齡墓誌銘

葉謙父墓誌銘

王誠之墓誌銘

王公信墓誌銘

王宜之墓誌銘

倪行簡墓誌銘

鄧伯某甫妻田夫人墓誌銘

汪夫人墓誌銘

鄭夫人墓誌銘

周夫人李氏墓誌銘

史夫人墓誌銘

趙夫人岳氏墓誌銘

卷之二十

墓誌銘

祝夫人墓誌銘

潁川夫人黃氏墓誌銘

史氏程夫人墓誌銘

史夫人改葬誌

表

王伯益墓表

行狀

翰林學士承旨董公行狀

傳

王貞傳

李象賢傳

祭文

祭袁學士文

祭潘博士文

誄

謝先生誄

卷之二十一

冊文

皇后祔廟冊文

皇后冊寶文

明宗皇帝祔廟冊文

皇太后冊文

明宗皇帝升祔樂章

策問

會試策問二

廷試策問二

詩

題周怡臨韓幹明皇出游圖

明皇出游圖

端午賜大長公主

董元夏景山口待渡圖

徽宗畫梨花青禽圖

趙千里小景

燕文貴小景

趙千里出峽圖

蘊能羅漢圖

白樂天重屏圖

陳閱畫中宗射鹿圖

羅漢圖

韓幹馬

曹霸下槽馬

韓晉公滉土星像

柯博士畫扇

胡虔取水蕃部圖

滕昌祐懺香睡鵝圖

銘

奎章閣銘

棋盤銘二

贊

趙平章畫像贊

趙中丞畫像贊

吳宗師畫像贊

御馬五雲驥圖贊

瑞雀贊

卷之二十二

制誥

封宣聖夫人制

鄆安大長公主詞頭

燕帖木右丞相封太平王制

封營都王制

營都王夫人

封營國公制

營國公夫人

封寧朔王制

封寧朔王夫人

封遼陽王制

封燕卜鄰知院祖明里

祖母

父

趙平章加官封制

封悟里間八制

封鑑贊八制

封蔣山寶公和尚制

封張真君制

大道教十一祖張真人制

序

皇圖大訓序

金字藏經序

飲膳正要序

承天仁惠局藥方序

記

奎章閣記

五色石屏風記

御史臺記

天心水面亭記

勅賜龍章寶閣記

勅賜玉像閣記

碑銘

大元勅賜饒州路番君廟文惠觀碑銘

卷之二十三

碑

武衛新建先聖廟學碑

黃籙普度大醮功德碑

東嶽仁聖宮碑

大都城隍廟碑

句容郡王世績碑

卷之二十四

碑

曹南王勳德碑

高昌王世勳之碑

大崇禱寺碑

集慶路重建太平興國禪寺碑

卷之二十五

碑

大龍翔集慶寺碑

大承天護聖寺碑

河圖仙壇之碑

靈惠冲虛通妙真君王侍宸碑

卷之二十六

供醮文

水陸會功德山

水陸會緣起文

建國醮建壇青詞

醮星祝文

九月十四日高昌王夫人傳旨作醮星文

醮星祝文

醮星文

金籙普天大醮青詞

至順二年十二月二十三日祭星常國公奉旨命選祝文

黃籙普天大醮青詞

卷之二十七

賦

東臯賦

古詩四言

環洲詩爲蔡天璧作

冰雪相看亭

竹林七賢圖

竹溪六逸圖

古詩五言

題汪華玉所藏蘭亭圖

寄題曹元賓尙書臨流圖王繼學參政畫

玉隆留題

黃堂留題

記夢

次韻陳溪山櫻履二首

浮丘公吟寄赤城陳道士入山有遇爲溪山壽

爲變里普化題陳立所作龍眠山圖

和陳溪山韻

和陳溪山送蘭花韻

送空巖印公還徑山

題張觀海所攜虛舟竹所二毛圖

送龍翔高獨峯上人還金陵

送海東銛上人十首

楚石琛藏主自蔣山歸却欲就叢林閱藏同舟清江之上賦此贈之

題東郊山房

題蒙菴爲黃石谷賦

爲黃氏賦大雅詩

南軒同登新閣登舟有賦

秋堂

題雪泉齋

分韻得一字送平江開元雪窗禪師

賦彭氏靜深堂

秋山行旅圖

爲題馬竹所九歌圖

清明山房詩爲危太朴作

次韻太朴良友對何仙舟讀書山中見懷之作

卷之二十八

古詩七言

江樓看劍歌書趙子昂劍銘後

賦劉益之雲松巢

吳興趙子昂十馬圖

畫馬

題畫

空山歌

爲燮玄圃題鴛溪春曉圖

題馬竹所畫

賦霍元鎮春江捕魚圖

南岡

題何大夫畫馬

題煜上人所藏息齋墨竹

題村田樂圖

柳塘野鴨

丙吉問牛瑞圖

江貫道江山平遠圖

爲江華玉題所藏長江萬鴉圖

盤車圖

贈羽士費無隱

題漁村圖

題韓幹畫馬

題黃都事仲剛山居溪閣圖二首

題秦毓二夫人承召遊華清宮圖

方壺畫山水歌

示問

律詩五言

玉隆宮所藏宋乾道宸翰雲壑二字

寄忽承旨

寄三衢守馬九臯

題朱澤民山水

寄題汪遵士草亭

黃敬庭送竹本

聞鴈

錢舜舉畫

山水圖

丹霞觀黃知微留別

題馬竹所畫

題曹霸馬

答陳溪山元日卽事

送客北門晨登山木閣

次韻陳溪山二首

杏園詩爲黃思順賦

卷之二十九

七言律詩

與變元溥登仙游和李浩卿韻

陳可復爲予寫戴笠圖賦詩四首

賦黃茅岡詩五首

瑞竹

次韻明極講生陪敬齋監郡登華蓋

贈鄧公信

贈劉雲章漢章兄弟

壽陳溪山生日

秋日同朋遊北塔山

送尼山廟學彭山長

游浴湖田舍

題范德機詩集後

答易至善

題徐孟俊屏山閣

贈易用昭

和陳溪山雪中雪晴二首

和陳溪山立春後三日卽事

寄陳奉常井序

次韻陳溪山二首

謝陳溪山送蛾眉豆種

己卯秋舟過清江憶范德機

宜春臺晚眺

歐陽德器遊京

送黃子昂

書武進縣學記後

己卯臘八日雪爲魏伯亮賦

寄賀吳宗師七十壽旦

和陳溪山元日後雪

和吳先生韻

和天師韻

自和韻

贈武夷道士羅鑑空兼憶范德機

寄題采石新造觀瀾亭

寄胡伯友

贈楚石藏主

遊北塔山

與薛玄卿會黃氏溪園

登華山按茆岡

次韻朱德嘉

寄薛玄卿

贈張仲華

答李伯宗編文

答黃仲律

題環翠亭

答馬竹所見示詩韻二首

送吳文明

次韻答陳溪山

雪夜有懷華蓋山王玉玄

答盱江聶空山

寄和吳閒閒大宗師

答吳宗師受希年詩韻

送海朝宗調官

寄趙知微廉使

題致爽樓

東坡墨竹

白雲間上人度夏

寄龍翔寺訴笑隱

寄魯學士

答甘允從

次韻董子羽

次韻答聶空山

寄貞居張先生

孫宰金碧山水

臨川冲雲寺祝壽

題掀蓬圖

寄吳思可廉使

寄南安燕信臣總管

遊仙遊山賦詩

方壺作仙遊山圖

答錢翼之

次韻聶空山送杏

和陳溪山春雪見貽

題薊門酒樓

卽事

目疾偶成二首

柯敬仲畫古木陳篁

答旰江石門江秀才

夢吳成季見訪

嘉平歲望陳谿山自山齋還邑月下獨步有賦

題馬竹所照磨捕魚圖

李伯宗錄詩

壽陳溪山生日

鶴

二月雪與陳齊賢

酬諸友編文

送朱明仲

送王公輔遠遊

卷之三十

七言絕句

雪後偶成

自贊題白雲求陳可復所寫像

築室

賦游仙詩五首

子昂竹

子昂蘭石

夢蟾圖

唐五王出遊圖

八駿圖

射獵圖

題白玉蟾像

題大別山柏圖

答趙秉彝送地黃膏

酬張用鼎

題關尹問道圖

中秋前偶賦

次韻答魯子暉參政四首

題赤城站壁

又和赤城壁韻

秋夜有作

玉龍圖

郭熙畫木

贈陳衆仲

贈閒白雲

無題

題亡弟嘉魚大夫與眉山奴詩

書蘭亭後

題黃敬申虎圖

聞機杼

賦玉簪花

溪橋踏雪

答吳仲谷見寄兼簡許愿夫

題范德機詩後

題文丞相詩後

次韻陳溪山春日卽事

題呂洞賓見滕子京像

題魏受禪碑

寄吳景永

次韻東山鳳栖別墅四時詞

寄臨川艾蜚英游京師兼簡國史侍講

和陳溪山韻

題樓攻媿織圖

送程以文兼簡揭曼碩

西郊草堂圖爲從子豈作

至正改元辛巳寒食日示弟及諸子姪

寄成都孝成姪

寄吳門弟姪

寄子安民從子宣

癸酉歲晚留上方觀

蔡榴雙鳧

題明皇按舞圖

題昭君出塞圖

題陳氏遠塵樓

偶成

桂亭

田舍

題漢孝宣受貢圖

答饒心道四首

題約牖爲譚無咎賦

別變玄圃後重寄

聞變玄圃除御史

寄蕭性淵巡檢

題趙子固梅

古檜

題夢良梅

留易小雅樓促陳溪山同飲

和陳溪山櫻桃

留題龍門寺

樂府

滿庭芳

寄阿里仁甫

法曲獻仙音三疊爲陳溪山壽

浣溪沙

銘

虛白齋銘

方床銘

几銘

先君硯銘

贊

子昂畫陶淵明像贊

劉原父遺像贊

劉貢父遺像贊

先公遺像贊

邵安老人畫像自贊

孝女贊

有序

玄帝畫像贊

宰淵微先生畫像贊

卷之三十一

序

周易玩辭序

戴石玉所著三禮序

戒子通錄序

六書存古辨誤韻譜序

春秋胡氏傳纂疏序

鄭氏毛詩序

飛龍亭詩集序

曹文貞公文集序

楊叔能詩序

送危太樸序

葛生新采蜀詩序

甘天民詩序

臨川黃氏復姓譜序

送饒則民序

卷之三十二

序

送太平文學黃敬則之官序

國朝風雅序

送墨莊劉叔熙遠游序

送李仲永遊孔林序

易南甫詩序

臨川晏氏家譜序

葉宋英自度曲譜序

卷之三十三

序

廬陵劉桂隱存藁序

曹士開漢泉漫藁序

陳文肅公秋岡詩集序

李梅亭續類藁序

送楊生序

楊賢可詩序

礪谷居愧藁序

送楊拱辰序 有詩

新喻州丁士英舉遺逸序

洛陽楊氏族譜序

送常伯昂序

周氏族譜序

卷之三十四

序

送李敬心之永嘉學官序

翰林直學士曾君小軒集序

曾擢齋緣督集序

范左司松溪詩集序

送朱德嘉序

送鄉貢進士孔元用序

饒敬仲詩序

漁樵問對序

送吳尙志序

送李棟伯高序

熊萬初舊雨集序

醫書集成序

卷之三十五

記

王文公祠堂記

南豐曾氏新建文定公祠堂記

奉元路重脩先聖廟學記

澧州路慈利州修儒學記

新喻州重脩宣聖廟學記

撫州路重脩宣聖廟學記

寧國路旌德縣重建宣聖廟學記

撫州路樂安縣重脩儒學記

袁州路分宜縣學明倫堂記

卷之三十六

記

袁州路儒學新建尊經閣記

南軒書院新建藏書閣記

尼山書院記

重脩張巖書院記

袁州路萬載縣重脩宣聖廟學記

南康路都昌縣重脩儒學記

瑞昌蔡氏義學記

屏山書院記

考亭書院重建文公祠堂記

澧州路慈利州重建三皇廟記

撫州路樂安縣新建三皇廟記

崇仁縣重建醫學三皇廟記

袁州路分宜縣新建三皇廟記

吉州路三皇廟田記

卷之三十七

記

飛龍亭記

榷茶運司記

江西湖東道肅政廉訪司經歷司題名記

撫州路總管府推官廳壁題名記

龍興路重建滕王閣記

襄陽路南平樓記

撫州路重建譙樓記

崇仁縣重脩縣治記

羊角洞天記

青雲亭記

卷之三十八

記

大本堂記

時中堂後記

思本堂記

誠全堂記

君子堂記

德星堂記

謹敕堂記

柏友亭記

寫韻軒記

余氏極高明樓記

主靜齋記

環翠亭記

廣西都元帥章公平猺記

題吳氏春暉堂記

卷之三十九

說

海樵說

孟宗魯字說

平心說

新喻蕭淮仲又字說

道園學古錄 目錄

劉瓊彥溫字說

鄧漢傑改漢淳字說

趙孟昌以順字說

趙孟誠以信字說

易晉用昭說

易至善字說

書

答方仲約論春秋書

答張率性書

答劉桂隱書

卷之四十

題跋

跋濟寧李璋所刻九經四書

跋劉資深墨莊後

題吳先生真樂堂記後

跋艾聖傳三絕碑後

跋程文憲公遺墨詩集

書范左司事後

題翰羅氏世譜

跋雙井黃氏家譜後

跋曹氏通濟倉記後

跋曾氏世譜後

跋劉墨莊世譜後

題先丞相寨屋親帖

跋朱文公先生與黃商伯書後

跋吳先生新登譙樓詩後

重書黃子中澄陂堂記後

書先世手澤後

跋柳誠懸墨蹟

跋山谷書蕭濟夫墓志後

跋吳廉使可堂說後

題李肩吾字通序

跋宋高宗親札賜岳飛

跋朱先生答陸先生書

跋子昂所畫陶淵明像

跋張魏公與劉和叔墨帖後

題臨川西原許氏族譜

跋黃思順醫說後

跋張方先生傳後

跋彭壽卿所藏先郡公手澤卷後

題盱江傅路手卷

題蘇文忠公諸帖

題何氏所藏蜀郡名公書翰

又題

題岳飛墨蹟

題曾歐二公帖

跋黃勉所藏醴泉銘

表

謝恩表

謝箋

卷之四十一

碑

江西行省平章政事伯撒里公惠政碑

建寧路崇安縣尹鄒君去思之碑

崇仁縣顯應廟沖惠侯故漢欒君之碑

昭毅大將軍平江路總管府達魯花赤兼管內勸農事黃頭公墓碑

元故累贈集賢直學士亞中大夫追封魏郡侯張公神道碑銘有序

卷之四十二

神道碑

僉河南江北等處行中書省事陳文肅公神道碑

江南湖北道肅政廉訪使楊襄敏公神道碑

僉燕南河北道肅政廉訪司事趙公神道碑

卷之四十三

墓誌銘

孫履常甫墓志銘

吳仲谷甫墓志銘

亡弟嘉魚火夫仲常墓志銘

皮柴維楨墓志銘

建昌軍事判官雷君墓志銘

衡州路總管判官楊君墓志銘

袁仁仲甫墓志銘

婁太和墓志銘

劉宗道墓志銘

黃東之墓志銘

卷之四十四

墓表

李仲華墓表

行狀

翰林學士臨川先生吳公行狀

祭文

祭吳先生文

祭孫履常文

傳

陳炤小傳

卷之四十五

銘

龍虎山道藏銘

靈真宮銘

贊

佛母贊

蓮花菩薩贊

維摩文殊贊

華藏變相贊

瑞光塔院贊

達磨像贊

昆沙門天王贊

多聞天王贊

老子贊

題陳希夷像贊

二茅山四五代宗師贊

張宗師畫像贊

吳宗師畫像贊

道士小像贊

序

送昌上人詩序

會上人詩序

送吉上人詩序

卷之四十六

序

送吳真人序

送薛玄卿序

送趙虛一奉祠南海序

貞一藁序

送丹稜史講師詩序

記

潭州壽星觀記

順慶萬壽宮記

處州紫虛觀記

白雲觀記

蒼玉軒新記

著存閣記

滕州新修東嶽廟記

卷之四十七

記

新脩開元浴室院記

相山重脩保安觀記

碑

敕賜黃梅重建五祖禪師寺碑

大與龍普明禪寺碑

成都路正一宮碑

開元宮碑

玉笥山清真宮碑

卷之四十八

碑

崇壽觀碑

仙都山新作玉虛宮碑

勅封顯佑廟碑

銘

佛國普安大禪師塔銘

智覺禪師塔銘

大辯禪師寶華塔銘

卷之四十九

銘

晦機禪師塔銘

廣鑄禪師塔銘

斷崖和尚塔銘

鐵牛禪師塔銘

卷之五十

碑

廣化真人岳公碑

陳真人碑

九萬彭君碑

倪文光墓碑

墓志銘

孫真人墓志銘

黃中黃墓志銘

張宗師墓志銘

非非子幽室志

重增目錄

故丹陽書院山長馬君墓碣銘

故梅隱先生吳君墓銘 以上見十八卷

寄題樓撫山普潤禪寺

寄題許愿夫抗雲樓

贈劉無作二首 以上見二十八卷

題趙師舜謝安遊東山圖

活水源爲王欽道賦

夜宿周氏簡饒復心李伯宗

贈朱萬初之官建寧 并序

五言絕句

題王華玉子昂蘭石四首

題黃與可所藏錢舜舉瓜圖

題趙師舜光風轉蕙汎崇蘭圖

奉妍帶雪圖

江村秋晚圖

題饒世英所藏錢舜舉四季花木

題趙師舜所藏雪竹圖

題饒世英所藏孤鶴圖

贈朱萬初四首 以上見二十九卷

子昂書忠孝二表贊 三十卷

撫州臨汝書院興復南湖詩序

撫州路經歷趙師舜祈雨有感序

送醫士吳益謙序

胡師遠詩集序

送李伯宗序

朔南風雅序

朱萬初製墨序 以上見三十四卷

撫州臨汝書院復南湖記

撫州路重修東嶽廟記

趙氏義齋記

浩然樓記

環碧樓記 以上見三十八卷

黃勉子勛說 見三十九卷

王母龔氏孺人墓志銘

同安縣主簿周君仁甫墓志銘 以上見四十三卷

道園學古錄卷之一

在朝藁一

雍虞集伯生

賦

別知賦送袁伯長

余忽忽處此之無故兮。幾偃蹇以自窮。逝斂裳以遐征兮。抗九霄之雲風。頽三辰之徘徊兮。遲後古以爲期。何夫子之偃偃兮。亦踉蹌而在茲。于嗟乎世德之浩浩兮。恥謂人以不賢。陳珮玉於交達兮。被徒輿以瑤環。設厚顏之鬱沉兮。孰敢卽問乎津涯。發疾叫于咽噓兮。衆披靡而莫支。夫冶倡之狐惑兮。豈不足於內揆。顧西子之蓬垢兮。益返忌兮故意。惟前聖之無悶兮。老氏亦貴夫知希。顧涼薄之多懲兮。猶慷慨而尙辭。余固將去此而無悔兮。念夫子之與我。日進余以不及兮。又證余以其可。余嘗究往來之爲道兮。論因革之爲權。莫或知其覆落兮。子獨謂其固然。庶久子以自輔兮。克有聞以時行。忽先我而南驚兮。殆若爲乎余情。迺歌以送之曰。長江渾渾兮。春多浪波。白日耿耿兮。擊楫爲歌。天薄我賦兮。非以病我。于嗟兮。昔之盛者何其多。

古劍賦

吳季有劍古所服兮。先時利行。後伏匿兮。歷世十百。神物來兮。精英上浮。久乃識兮。截截庚庚。玉理仄兮。

質化光泯。黜正黑兮。匡視白日。澹斂色兮。燧人司金。石水泐兮。終古不磨。奇雄特兮。勿褻勿試。靈具戒兮。鬼目睽睽。頭鬢鬢兮。竊擬窺之。自造慝兮。靈怒殛女。不女貸兮。神宮無人。帝湛默兮。季冠如山。采衣翼兮。長身好脩。又正直兮。稱是容佩。有加飾兮。魚室珠襪。雜文織兮。虞十帝傍。順降陟兮。握奇中運。授神職兮。旋陽制陰。物不忒兮。辟却百非。五兵息兮。大宰不劇。完以爲德兮。變窮于傳。填無極兮。

畫枯木賦

夫誰畫此枯樹兮。臨不食之散泉。旣偃蹇又嚙食兮。骨岸岸以弗妍。想執筆以極思。忽機釋而神旋。遺衆壞於蹶有。勒不毀之所全。或聖去於斤運。或石泐於溜穿。滄無雨以如晦。悅非規而能圓。澹黜乎其旣失。旋蒼然而在前。命以物而不可。孰春秋而論年。噫吁嘻。被章以毛膏。慮用丹。皆爲流眩。頤常注次。獨何爲托寂寞於無意。而刻畫其不傳者邪。

木齋賦

奎章閣藝文監秀才方積。昔在匡廬。讀書羣木之間。謂之木齋。余愛其高秀而賦之。其辭曰。夫何碑碣以嵯峨兮。據積水而鬱盤。有榭楠與豫章兮。翳松柏之丸丸。攬芳草之盈庭兮。聽呦呦之鳴鹿。濯余纓於滄浪兮。沐余髮乎飛瀑。余潔清以有待兮。歎望之而彌高。絳余驂以弗馳兮。氣緜薄而心勞。感春物之芳芑兮。又晚實之不食。更千歲其未已兮。退自脩乎茲室。

操

思魯琴操

龜山之陰陰兮。有雲垂天。河目而海口兮。將見其人。望之彌尊兮。卽之彌親。大音寥寥兮。中信而真。

芝亭永言

古詩四言

味經堂詩有序

國子祭酒魯公伯子翬父。作味經堂。自爲記以勗其子遠。公嘗命遠從子遊。故賦此詩。

維昔玄聖。有子過庭。學禮學詩。詔之丁寧。面墻之室。繇不知味。親能使學。不能使嗜。觀于德容。聽于德音。詠歌周旋。實悅我心。邈乎千載。聖往言在。舍而不求。匪罔斯殆。畏友翬父。窮經篤行。既有諸躬。思貽厥成。既菑既畚。俾稼之食。既收既漁。俾鼎之實。作堂高明。曰子遠來。吾經在茲。遠其味之。始予虛羸。匍匐來食。茹草飲水。以禦朝夕。窮人得歸。自我父師。俛焉斯文。老至不知。煌煌靈芝。如彼嘉玉。薄言采之。在彼中谷。南陽之人。來詹來言。君子豈弟。宜其後昆。

題宋誠甫侍郎垂綸亭

岷源建高。駛無游舫。漢會其委。安流滔滔。爰有君子。垂綸其下。雖不得魚。意甚閒暇。援藟引楫。至于中沱。蔭樹以休。悠悠永歌。逝波沄沄。不轉維石。樂茲忘憂。矢言不食。烝然雲興。風舉以高。馳翔中天。遺景九臯。木其落矣。魚亦潛渚。瞻言夙好。除于風雨。風吹衣裳。彼爲栖栖。行吟望予。實勞我思。山有榛棘。河有鯉鯉。

豈其飲泉必冷之美。君子冠純秩秩大經。洞有清酌。可以濯纓。

高彥敬青山白雲圖

兩崖之間。曾不容舫。白雲悠悠。與山俱高。

趙忠簡公祠堂詩

皇元至順三年春。解州聞喜縣學。用禮部符。祠其鄉先生故宋丞相趙忠簡公。公六世孫國子博士質翁。求虞集作迎送神詩。

山河邈悠。宗國爲虛。騎箕來歸。懷此故都。鳴臯在樹。飢鱸在渚。闕宮不存。公食無所。董澤之陂。有蒲與荷。子孫具來。式燕以歌。瞻彼洛矣。其水泱泱。斯文在茲。俾也可忘。

秦檜旣貶。趙公於海南。隨使人逼殺之。公臨終。從所寓寺僧。索素帛一方。書其上云。身騎箕尾歸天上。氣作山河壯本朝。以付寺僧而絕。聞喜之董澤公鄉也。

賦衛節婦王夫人

汎汎淇水。岸有佳竹。閨門嚴嚴。樂爾貞獨。泛泛淇流。岸有松舟。閨門閒閒。樂爾貞幽。汎汎淇右。有堂孔阜。娟娟貞幽。肅肅眉壽。淇原有泉。可濯可沿。亨鬻勺尊。樂爾高年。高年樂止。亦有孫子。式歌衛風。以告國史。

題學易齋 其人將詣孔林

惟學易君子。慎其齋居。動息有存。起處是於。奇耦玩畫。方員視圖。晝循靜始。夜根動初。罔不在中。日居月諸。乃秉元化。以時盈虛。共惟玄聖。啓我後愚。載瞻巍巍。魯林鬱如。

古詩五言

諼草生竹間

諼草生竹間。翠色相綢繆。美人欣有託。君子故忘憂。昔聞有鳴鳳。飲水來丹丘。不食衆木實。樂只淇園秋。

高竹臨水上

高竹臨水上。幽花在崖陰。以彼貞女姿。當此君子心。春陽不自媚。夕露忽已深。湘妃昔鼓瑟。悵望蒼梧岑。

月出古城東

月出古城東。海氣浮空濛。車騎各已息。宮闕何穹窿。牧馬草上露。吹笳沙際風。帳中忽聞鴈。傳令彀雕弓。

書上京國子監壁

神京極高寒。幽居了晨夜。雷風無時發。零雨每飄灑。炎光不到地。蕭爽度長夏。大化漠無宰。豈必事陶冶。楊雄不曉事。守道栖栖者。玄經百無徵。白髮謾盈把。

至治壬戌八月十五日榆林對月

日落次榆林。東望待月出。大星何煜煜。芒角在昂畢。草樹風不起。蛩蜩絕啁啾。天高露如霜。客子衣盡白。羸驂斫餘棧。嫠婦泣幽室。行吟毛骨寒。坐見河漢沒。驛人告晨征。曛曛曉光發。

憶三十年前與元復初參政同賦秋日梨花元有句云朝食葉底梨莫看枝上花而忘其後句因續之云

朝食葉底梨。莫看枝上花。花開食實後。霜風振長柯。遠水良可鑒。彩雲亦易過。念爾白於雪。日莫當如何。

李老谷

十轉山崦交。九度沙磧溜。始辭平漠曠。稍接山木秀。老病畏行投。慰藉得良覯。秋嶺晚更妍。寒花晝如繡。故園夫如何。朝陽眩霜柚。

秦定甲子上京有感次韻馬伯庸待制

翰音迎日穀。儀羽集雲路。寂寞就書閣。老大長郎署。爲山望成岑。織錦待盈度。我行起視夜。星漢非故處。

賦水木清華亭

中流泛蘭榭。望彼嘉樹林。落日蕩野水。浮雲生夕陰。游魚戀芳藻。好鳥鳴幽岑。爲樂恐易老。吾將脫朝簪。

天曆戊辰前續詠貧士一首

目昏畏附火。枯坐寒窗中。破褐著絮重。虛豆兼冰崇。病骨於此時。浮屠屹撐空。呼兒檢餘曆。記日待春風。雖欣解凍近。翻驚紀年窮。貰酒欲自廣。無錢似陶翁。

又一首畚舍弟見和

蜀侯昔羅憂。嶺海萬死中。詩書庶不泯。焉思祿位崇。爾來五十年。所以恆屢空。涉世惟信道。卓然立頽風。漫仕非我能。偶貧豈人窮。深耕定有穫。歸嘆兩衰翁。

後續詠貧十四首

老骨寒不寐。夜長況聞風。心悸危欲折。踟躕敗絮中。鷄鳴當晨參。馬疥芻不充。山童衣百鶉。喚之愧匆匆。

求火掃木葉。庭樹亦已空。決起不敢怠。曙光屋南東。苟遂牛馬性。歸放春草豐。

歸蜀越關隴。棧閣危登天。適越河濟隔。堰水丈尺間。飢寒迫旦暮。舟車計茫然。東家有一叟。欲去初不言。早朝聽詔畢。喚馬閭闔前。童奴受宿戒。向暖爭相先。聞之噴兒子。我何爲汝牽。屢無千金買。吾足安暇憐。爲政貴察色。讀書在研覃。司視旣不明。兩者無一堪。尙不道吏責。爲師固宜慚。聖世無棄物。況茲久朝簪。決去豈我志。知止亦所諳。頗聞南山下。菊根浸寒潭。濯餌千日期。冰臚復清涵。老馬果識道。更服鹽車驂。天風夕號怒。霜日殊清妍。探架得古書。前日手所編。奈何視茫茫。子若萬蟻緣。精意成寂寞。惆悵還棄捐。於惟仲尼衰。清夢不復然。小子未聞道。何以卒歲年。

觀花有感

掛巾花樹枝。酌酒花樹下。風吹巾上塵。花落手中翠。清唱起相壽。毋遽且聊暇。流光急去人。莫怪行樂者。

赤城館

雷起龍門山。雨灑赤城觀。蕭騷山木高。浩蕩塵路斷。魚龍喜新波。燕雀集虛幔。開戶微風興。倚杖衆雲散。

同閣學士賦金鴨燒香

黃金鑄爲鴨。焚蘭夕殿中。窈窕轉斜月。透運動微風。綺席列珠樹。華鐙連玉虹。無眠待顧問。不知清夜終。

退直同柯敬仲博士賦

月下白玉階。露生黃金井。疎條栖鵲寒。衰蕙流螢冷。戀闕感時康。懷歸覺宵永。晨鐘禁中來。白髮聊自整。

送良上人賦得井上桐

桐陰秋轉薄。井氣曉爲霜。交柯舞幽鏡。墮葉響鳴璫。高巢翠羽下。澄水玉蚪藏。上人從定出。行吟繞石床。

送吳子高

懷寶獻京國。悼亡還獨歸。日落雲中樹。風吹江上衣。湘靈瑟在席。織女石支機。遠道多寂寞。強飯勿相違。

于仲元舍賦紅梅

白雪不成夜。丹霞遂崇朝。妙質承日映。飛英向風飄。醉來紅袖近。歌罷綵雲消。揚州問何遜。何似董嬌嬈。

寄題新治亭

窈窕治亭莫。蕭條江南秋。泛覽山河外。張樂鳳皇丘。公子飛翠蓋。美人回綵舟。從茲至黃髮。樂哉以忘憂。

題儋耳東坡載酒堂

翳翳儋耳城。歷歷桄榔樹。百年遺故丘。新堂設賓阼。清風海上至。朝陽在庭戶。丹山五色鳳。覽德屢來下。甘辛熟桂酒。羅列雜諸蕝。苜蓿多孫子。食飲祭先具。蛟龍波浪深。歸來風雨除。鑿井得甘泉。渴者恆自私。流潤不擇地。委順復何疑。海南絕風雨。水木況華滋。隣舍解讀書。諸生還誦詩。何必懷故都。聊樂宜在茲。星河度白鶴。山月懸峨眉。來晚去何速。勞人千載思。

盜發亞父塚彭城有盜識寶氣於亞父塚上發之得一劍云

盜發亞父塚。寶劍實累之。塚開寶氣盡。獄吏書盜辭。盜言惟見寶。寧知亞父誰。項王不相信。弟子遂輿尸。黃腸下深錮。千歲復何爲。大河繞城東。落日在城西。過客立城下。踟躕望安期。

應制題王肅畫吳王納涼圖

雨過太湖上風生響牒廊紅綃拂几席白紵製衣裳朱光淪厚地明月在高堂何以保玉體長年樂未央
步虛詞四首

步虛長松下流響白雲間華星列燿火明月懸瓊環肅然降靈氣穆若愉妙顏竹宮愴清夜望拜久乃還
稽首望太霞離羅間層霄網縑結沖氣要眇出空謠前參干景精後引務猷收攝衣上白鶴招搖事晨朝
朱光出東海高臺迎赫曦六龍獻陽燧九鳳保金支鍊丹軒轅鼎濯景崑崙池拜賜冰玉佩玄洲共遨嬉
學仙淮南王問道劉更生三年鍊神丹九載凌上清日月作環珮雲霓爲旛旌回首召司命靈雨灑蓬瀛

題商學士畫

方士好服食商山多紫芝采之長松下濯以清澗漪滄涼百里內秦皇都不知駕舟載男女築宮東海涯

贈藝監小吏

廣術何迢迢榆槐蔭蔽之鼓鐘晨莫起車馬中間馳此有嫠居者閉戶教孤兒十歲學文史十五從吏師
丹青出天性落筆有令姿藝監取材伎小大無一遺署兒筦庫下祿薄不足爲手持一束書求以慰母思
告兒勿薄吏公卿出自茲請看孟氏里軻母自有祠

記子昂畫

春風動蘭葉庭戶光陸離言收竹上露石角掛練衣車行不擇路芟苳何楚楚遊子愴忘歸徘徊歲云莫
送西臺治書仇公哲

陝郊得時雨生意始來復存者事稼穡還者葺墻屋安知凋瘵餘政可致新福闢除正廣術區井表深瀆

均齊定恆志。忠厚保敦篤。豈無憂世士。受仕在芻牧。爲義苦多違。好名常不足。治書肅將指。善類庶有勗。

送張道士歸上清

白雲盱水上。自古多仙人。手携綠玉杖。頭戴白綸巾。袖中出風雨。天上禮星辰。歸來庭戶靜。芳草自生春。

日出行

日出上城府。日莫當蚤歸。城門已擊柝。出郭何焉依。下馬投館人。空垣月當扉。涼風振庭樹。巢鳥屢驚飛。起坐搔白髮。忽如霜草稀。周公不復夢。仲尼故沾衣。老萊有孺色。傳聞惟食薇。求之事已晚。徘徊行道微。

贈治冠者

車馬入隘巷。言尋治冠師。反關不受客。高坐哦書詩。布衣不掩脛。晝食甘藿藜。冠成動經歲。不售亦不辭。我少好文章。把筆無不爲。愧爾爰寂寞。慎與當自茲。

贈寫真修士明

修郎居上京。閱人如風花。拈筆寫其似。千歲留英華。邇來七十年。將相紛在目。來者有如此。往者那可續。昔我初北遊。面白鬢如鴉。點染煩粉墨。華星曠丹霞。今如雪中松。苦硬雜蒼白。却視當年容。邈如不相識。不識常如何。臨風且長歌。黃雲接河漢。白雪漫坡陀。乞身願歸老。吳蜀山總好。贈君千黛螺。翠色秋可掃。

寄陳衆仲助教上都作

學省足清晝。詞垣驚蚤秋。美人隔河漢。落月在高樓。持衣未成曲。吹笛不勝愁。還趨鷓鴣觀。別製鸚鵡裘。

贈鐵菴道者二首

昔遊雲臺觀。山色上衣青。松花春雨落。柏葉秋露零。飢來煮白石。睡起看黃庭。人間忽已老。莫問少微星。海上別妻子。山中求伏苓。白虎戲玄渚。蒼龍護黃局。燒香招五老。行廚庖六丁。從子似非遠。丹霞粲華星。

題商德符華山圖

昔祠雲臺館。行穿御階柏。夕陰嵐氣深。重碧照行客。獨訪張超谷。漸覺巖險迫。冰生玉井頭。日射仙人掌。豈無鐵鎖懸。翻身若飛鶴。恐煩華陰令。不奈昌黎伯。王事況有程。車馬何忽忽。流觀終南山。周覽天府國。爾來十七年。欲往不再得。山河想邈悠。傷殘轉蕭索。摩挲商老圖。彷彿希夷宅。高哉蓮華峯。白雲澹秋色。寄幻庵主者

朝遊武夷麓。莫入匡廬岑。放舟臨野水。采藥過幽林。清泉磨寶劍。磐石鼓瑤琴。臘月歸溪上。還作蚤春吟。賦茅山道士雲松巢

昔年李太白。廬山思結巢。褰雲自天上。和鶴止松梢。道士潘閒遠。高居古大茅。誦經門臥虎。看劍石眠蛟。飛步脫鳧舄。長吟吹鳳匏。九江攬秀色。許爾作神交。

酬上清道士鈔陰何詩

殘雪松上落。輕冰硯裏生。寫詩過夜半。欹枕又天明。少陵愛何遜。太白似陰鏗。不愁勞弱翰。亦足助高情。題李漑之學士白雲半間

山中多白雲。何由到城邑。招之恐不來。欲攬遊無迹。栖栖檐晨光。納牖作秋色。用沖不爲盈。常住寧若客。分張任蒼松。散落還白石。日照香爐峯。月射仙人掌。側有恩封一鄉。與子當共食。

題浴日觀

煌煌赤老烏。三浴乃出海。波濤始晃濤。宇宙破冥昧。西登泰華顛。東望方丈外。稽首希夷翁。今晨良慶會。

爲范尊師賦雲林清遊

大茅千仞下。結屋三四楹。雲林戶牖潤。鶴去海天平。坐上發長嘯。人間聞玉笙。刷苓春霧重。煮木晚烟輕。綠室嘯丹氣。蒼崖受日精。樵遺伐木斧。眞降引霓旌。九鼎金還就。千齡樹不傾。問誰解居此。云是范長生。

吹笛圖

白雲悠悠去。長松披高丘。匡坐吹笛人。似是馬督郵。飛鴻遺哀響。幽泉發春流。女樂亦何有。消搖以忘憂。

送甘以禮調官歸鄉

甘君有良材。於政無不宜。白頭郡縣下。尙覺非所施。奈何筭庫冗。而可絀吏師。豈直名吏師。積學本書詩。高情抗浮雲。廉節濯清漪。君子安所遇。固無喜慍辭。嗟我忝從官。簪筆恆殿帷。竟無國士薦。徒稱故舊知。晚歲向田里。藜杖相追隨。尊酒以怡老。未爲負明時。

送李彥方闔憲

文監李公彥方。出貳闔憲。同朝羣公。皆賦詩以爲贈。彥方屢擢臺職。激揚之宜。有不待予言者。適有一事。深有感於愚衷。先正魯國許文正公。實表章程朱之學。以佐至元之治。天下人心風俗之所係。不可誣也。近日晚學小子。不肯細心讀書窮理。妄引陸子靜之說。以自欺自棄。至欲移易論語章句。直斥程朱之說爲非。此亦非有見於陸氏者也。特以文其猖狂不學。以欺人而已。此在王制之必不容者也。闔

中自中立之歸。已有道南之歎。仲素愿中。至于元晦。端緒明白。皆在閩中。不能不於彥方之行發之。去一臧吏。治一弊政。不如此一事。有以正人心。儒者之能事也。集臥病。目眚尤甚。援筆書此云。

七閩去天遠。顛連苦無告。牧人受深寄。昧者覆爲暴。犀象雜金具。饑渴劇飢膏。大言相鄙夷。壓奪心自校。豈無循廉吏。實病黑白撓。聰明屬旒黈。聽瑩資所到。李侯金閨彥。圖史擅讎校。晨聞大夫奏。夕理武夷棹。君子慎修職。寧適豐廩稍。蕉荔甘多毒。薑桂老堪芼。所懷延平翁。楊休似明道。授受有源委。精微足深討。言立聖如在。表正愚可造。師匠久不興。真妄如枘鑿。云何誚支離。肆誕長兇傲。異言古所誅。末學足深悼。閩雖在海隅。前聞此淵奧。正誼從簡編。良俗宜善導。贈言不及它。持此永爲好。

題鄭秀才隱居

陶翁昔好菊。荒徑不暇鋤。素琴初無絃。名酒亦屢虛。雖有二三子。薪水不讀書。淒涼千載下。高名將焉如。不如鬼谷洞。鄭子樂有餘。種菊以爲田。田中更爲廬。善藥不二價。詠觴送居諸。有子揮五絃。涼風在庭除。時來青田鶴。亦出濠梁魚。作者遊京師。侯門曳華裾。捧檄忽一喜。翩然告歸與。芳蒲采甘露。玉漿釀清醕。老父坐堂上。稚子具籃輿。晨遊南山陲。暮濯清水渠。席間撫猗蘭。房中詠關雎。以此得高壽。何必南陽居。

題朱邸竹木

猗猗淇園竹。結根磐石安。枝幹相扶持。風雨不可干。其實鳳所食。君子思保完。恆恐聲影疏。蕭條霜露寒。金玉慎高節。千載承清歡。

詠史

軒后邈已遠。漢武亦雄哉。荒忽九州外。百年過煙埃。變化庶長久。臨海築層臺。黃金靡鏤飾。喬林摧斷裁。樂通竟先死。孫卿殊未回。不知作者意。空令來者哀。奉盤泣繁露。馳道殷奔雷。志氣昔所在。風雲恆往來。

畫古木

荒郊臥蒼苔。蛟龍在其上。不知風雨來。垂影一千丈。後主撥鐙法。江南久寂寥。空令沒骨畫。容易媚中朝。

賦蘇伯脩滋溪書堂

滋源恆伏流。春雨川乃盈。林疇廣敷潤。草木俱繁榮。臨深見遊鱖。仰喬有鳴鶯。君子樂在斯。齋居托令名。積學抱沉默。時至有攸行。抽簡魯史存。采詩商頌并。禹冗追馬公。湘江歌屈生。紉蘭不盈握。伐木有餘情。浩然欲浮海。歸興還濯清。方舟我爲楫。白髮愧垂纓。

題薛外史瓊林臺

高臺積方石。瓊林樹交柯。晨光眩白雪。夕景纏紫蘿。每聞樵子唱。恐是仙人過。塵世在足下。豈能聞笑歌。過海祇騎鶴。開池還養鵝。外史政瀟灑。太白馮足多。

送張兵部孟功巡河分題得屋上烏

花發上陽春。門開未央曙。城柝起羣栖。流光散朝羽。息影須近檐。結巢願當戶。轆轤轉金井。終日灌嘉樹。

題彭澤陶氏家譜

百甕在戶外。五柳當門前。燕去王謝宅。人依墟里煙。述德尙千載。人情猶昔年。以安遺孫子。高哉爲世賢。

道園學古錄卷之二

在朝藁二

芝亭永言

古詩七言

賦洛川老人九十

洛川老人年九十。須眉如畫身玉立。錦袍金帶方烏巾。手挽強弓無決拾。八月平原秋氣高。聞有狡獸依蓬蒿。清晨上馬薄暮返。累騎毛血懸鞵囊。身是前朝將家子。生逢太平百無事。都將英氣化高年。何物小兒堪指使。太守上言朝有恩。束帛養牛兼上尊。洛川老人過百歲。擊壤爲歌傅子孫。

張令鹿門圖

張侯襄陽人。深知襄陽樂。十年宦學懷襄陽。故托豪繚寫山郭。老我不樂思蜀都。以言嵩陽好隱居。三十六峯常對面。水竹田廬還可圖。欲往不能心慄慄。忽見新圖被山惱。沙禽浦樹俱可人。金澗石床爲誰好。向來耆舊皆英雄。駕言從之道焉從。弄珠月冷識遊女。沉劍潭深知臥龍。八月霜晴水清淺。聞道扁舟足迴轉。何時古寺傍檀溪。幾處殘碑在江峴。呼鷹臺高秋草多。養魚池中蓮芡波。蜀嵩未必不如此。我今不遊奈老何。張侯張侯蚤結屋。莫待史詹爲君卜。要看壠上課兒耕。好在魚梁白沙曲。

子昂畫馬

憶昔從公侍書殿。天閑過目如飛電。邊池儘有吮豪人。神駿誰能誇獨擅。公今騎鯨隘九州。人間空復看驂騑。惟應馭氣可相逐。黃竹雪深千萬秋。

湛湛行

湛湛天宇玄以黝。星白如銀垂近人。牛羊散漫草多露。大帳中野傍無隣。去年八月羽書急。婦女上馬小兒泣。今年八月天子來。身屬纊韉月中立。

家兄孟脩父輸賦南還

大兄五月來作客。八年不見頭總白。五人兄弟四人在。每憶中郎淚沾臆。我家蜀西忠孝門。無田無宅惟書存。兄雖筦庫實父蔭。弟竊微祿承君恩。文章不如仲氏好。叔氏最少今亦老。士郎十歲未知學。嗟我何爲長遠道。諸兒讀書俱不多。又不力耕知奈何。爰來每得二三友。看花把酒臨風哦。蜀山嵯峨歸未得。盤先壠臨川側。碧梧翠竹手所移。應與青松各千尺。南風吹雪河始冰。兄歸烏帽何眾眾。明年乞身向天子。共讀父書歌太平。

子昂墨竹

吳興畫竹不欲工。腕指所至生秋風。古來篆籀法已絕。止有木葉雕蠹虫。黃金錯刀交屈鐵。大陰作雨山石裂。蛟龍起陸真宰愁。雲暗蒼梧泣湘血。吳興之竹乃非竹。吳興昔年面如玉。波濤浩蕩江海空。落月年年照秋屋。

商德符畫幽篁古木

湘君宮在洞庭湖。幽篁古木龍所都。石壇雨長碧苔蘚。水屋風動青珊瑚。老人欹枕看螻蟻。妾婦停舟聽鷓鴣。江南蜀道問來往。商公商公今有無。

吳郡陸友仁得白玉方印其文曰衛青臨川王順伯定以爲漢物求賦此詩

將軍騎從公主時。豈意刻玉爲文章。珠襦已隨黃土化。此物還同金鴈翔。軍中只識長平侯。西風木葉茂陵秋。人生卑微何可忽。碌碌姓名誰見收。

爲達兼善御史題墨竹

蜀道荒涼多古木。篔簹千尺相因依。小年慣見今白髮。杜宇夜啼愁不歸。老可嘗作陵州守。古墨蛟龍多入手。春雷每恐破壁去。神鼎空令夔魅走。丹丘越人不到蜀。脩葉何以能縱橫。內府人家爛熳寫。使可見之心亦驚。江南御史龍頭客。暫別那能不相憶。知君深識篆籀文。故作寒泉溜崖石。

畫鶴

薛公少保昔畫鶴。毛羽蕭條向寥廓。通泉縣壁久微茫。故物都非況城郭。長鳴闕步兒閒暇。解寫高情亦奇作。田中芝草日應長。石上松花晚猶落。赤壁江深孤月小。白雲野迴秋霄薄。羣帝相從絳節朝。八公許製黃金藥。誤嬰塵網跡易迷。移召中洲夢如昨。借懸晨壁憶真侶。忽有微風動林壑。碧虛寥寥積雪高。直過蕭臺絕栖泊。

題畫

棠梨生竹間。牽牛引蔓相因依。晨華墜露天水碧。斷蘚絡石爛斑衣。鷓鴣踏枝歲將莫。蟋蟀在戶人當歸。

蕭條落墨人間稀。蕭條落墨人間稀。

寫廬山圖上

憶昔繫舡桑落洲。洲前五老當船頭。風吹雲氣迷谷起。霜墮楓葉令人愁。高人祇在第九疊。太白一去三千秋。石橋二客如有待。裹茶試泉春岩幽。

題旦景初僉司畫

旦公山堂城東南。畫圖古檜何氍毹。城中無山有山癖。直藉毫墨窮幽探。旦公彈琴古檜下。鬱鬱窗戶生晴嵐。春雨時來鶴鳴谷。秋聲夜作龍吟潭。先皇晝坐羣玉府。內使趣召飛雙驂。畢宏章假出中秘。營丘北苑開滕緘。是時旦公主舒卷。一二文士相交參。旦公歸來坐成想。亦頗拈筆爲楸楠。伯熙奉詔每有作。礪砢相並將無慚。嗟予懷歸亦已久。摩挲老目百不堪。山中豈乏真偃蹇。可容白髮抽朝簪。

題柯敬仲畫

予先世居隆州。州治之後山石室。翁守郡時。隆爲陵州。州事簡。時來就吾家。拾故紙背。作茅蘭竹木之屬。所得頗多。吾幼時尙收得數紙。今亦亡之。丹丘生用文法作竹木。而坡石過之。近又以新意作墨花。甚妙。從子悅有眉山學官之行。丘爲作此。予愛而賦之。

昔者老可守陵州。守居此山吾故丘。太守時來看山雨。每畫紙背成滄洲。老蒲松煙色過重。揮霍陰崖交劍矛。百年離亂亡故物。敝篋江南誰復收。新圖篋篋枝葉脩。使我不樂思昔侯。碧雞祠前杜鵑叫。玉女井上叢篁幽。棠梨樹高青子落。碧花翠蔓縈牽牛。楊雄無家不歸老。蠨蛸蟋蟀寒相求。丹丘朱生東海客。何

以見我空山秋。蕭條破墨作清潤。殘質刊落精英留。陂陁重複分細草。山石縈紆生亂流。眉山學官莫厭冷。言歸故鄉非遠遊。石田茅屋倘可得。萬里欲上東吳舟。百花潭深濯新錦。持報以比珊瑚鉤。

白翎雀歌

烏桓城下白翎雀。雌雄相呼以爲樂。平沙無樹托營巢。八月雪深黃草薄。君不見舊時飛燕在昭陽。沉沉宮殿鎖鴛鴦。夫容露冷秋宵永。芍藥風暄春晝長。

敬仲畫扇

松根伏苓如石髓。服食令人壽千歲。子欲求之觀此圖。老身偃蹇枝扶疎。長鑱篝火新雨霽。羽人丹丘期不至。却剪蒼筤崖石間。吹作龍吟秋滿山。

題簡生畫澗松

簡生與我皆蜀人。留滯東南凡幾春。每拂齊紈作山水。使我感慨懷峨岷。如此長身兩松樹。滿谷悲風散陰霧。雌雄如劍變爲龍。鱗鬣齊成擘崖去。秘閣管觀章偃圖。蒼澗雄深世所無。默識形神出模畫。把筆莽蒼增嗟吁。玉堂寶書本同館。官府旣分難復見。摩挲新墨慰衰朽。鬢雪飄蕭數開卷。昔我樵牧青城山。坐起政在雙樹間。當時簡生若相見。應并寫此聽潺湲。劉郎集賢好賓客。好著幽窗對晴碧。凌靈爲我哦七言。有鶴飛來破秋色。

題李受益承旨作東平章萬戶繼志堂後

將軍腰間黃金符。父兄功成百戰餘。太平不復事弓馬。秋雨高堂閱讀書。門有喬松墓有草。永言思之願

終保幙中賓客誰屬文。東魯儒生國元老。

題柯博士畫

磯頭風急潮水長。兼葭蒼蒼繫魚榜。青山一髮是江南。白頭不歸神獨往。幽篁繞屋茅覆簷。木葉脫落秋滿簾。買魚沽酒待明月。定是黃州蘇子瞻。子瞻文章世希有。謫向江波動星斗。夜投斷岸發清嘯。栖鶻驚飛怒蛟吼。圖中風景偶相似。欣然揮洒春雲開。子瞻應是念鄉里。還化江東孤鶴來。

題高彥敬尙書趙子昂承旨共畫一軸爲戶部楊侍郎作

不見湖州三百年。高公尙書生古燕。西湖醉歸寫古木。吳興爲補幽篁妍。國朝名筆誰第一。尙書醉後妙無敵。老蛟欲起風雨來。星墮天河化爲石。趙公自是真天人。獨與尙書情最親。高懷古誼兩相得。慘淡酬酢皆天真。侍郎得此自京國。使我觀之三歎息。今人何必非古人。淪落文章付陳迹。

題灤陽胡氏雪溪卷

去年予與侍御史馬公同被召。出居庸。未盡東。折入馬家甕。望縉山。度龍門。百折之水。登色澤嶺。過黑谷。至于沙嶺。乃還道中奇峯秀石。雜以嘉木香草。輦道行其中。予二人按轡徐行。相謂頗似越中。但非扁舟耳。適雨過。流潦如奔泉。則亦不甚相遠。郭熙畫記言畫山水數百里間。必有精神聚處。乃足記散地不足書。此曲折有可觀。恨不令郭生見之。灤陽胡太祝。乃以雪溪自號。豈所見與予二人同乎。然灤水未秋。冰已堅。尋常已不可舟。況雪時耶。當具溪意云耳。因爲賦詩云。

積雪平沙陰山道。射虎殘年不知老。豈識船如天上坐。翠竹爲帷樹爲葆。昔乞鏡湖苦不早。白髮如絲照

清涼。它年此地若相逢。應著漁簑脫貂帽。

題楊友直檢校所藏李營丘枯木圖

老龍出海蒼髯鬚。營丘枯木天下無。回枝屈鐵墮崖雪。澗底應拾青珊瑚。明堂清廟要梁棟。朔風吹沙澤腹凍。老身不用嘆遲莫。按圖來求萬鈞重。

題詹圃老梅圖

鄉人共識古梅樹。移植詹亭仍百年。計時當生宣政前。僻遠幸遺花石舫。昔僑寶唐尋故物。石樓嵯峨白沙白。陵陽慈竹樂公移。根節相扶俱遠客。此樹乃在隣邑間。看花食實真足閒。人言支離故多壽。我意培植茲惟艱。華蓋高人世師表。爲爾賦詩歌窈窕。詹家孫子多讀書。早晚春雷化龍矯。

酬蕭侯送蒲萄

蕭侯昔致蒲萄苗。山童不灌三日焦。宛西上品復親致。手種窗南自澆水。一月當生一尺長。移向江頭蔭荔牆。秋深雨足馬乳重。舉囊石壓青霞漿。是時蕭侯當走馬。來訪衰翁茅屋下。酒酣舞劍傾一尊。不信金盤露如瀉。

題袁塵驪圖

驪驪食粟石每旣。立仗歸來汗如洗。脫羈展轉聊自恣。落花塵土隨身起。君不見春雷起蟄龍。欠伸霧擁雲蒸九河水。

律詩五言

林臯亭

九月天氣肅，鶴鳴在林陰。使君甚好客，來者總能吟。紅樹秋山近，黃華夕露深。隣翁八九十，有酒卽相尋。

題子昂長江疊嶂圖

昔者長江險，能生白髮哀。百年經濟盡，一日畫圖開。僧寺依稀在，漁舟浩蕩回。蕭條數根樹，時有海潮來。

挽胡伯恭令尹二首

二十南陵簿，才名舅氏同。千金劍客散，一棹酒缸空。朱絨稱循吏，安輿已病翁。神明盡今日，嘆惋謾羣公。

病起思歸日，齋居臥治時。抱孫方在膝，反席遽如遺。江路牽愁遠，坊門望到遲。遙怜賢弟哭，未忍老親知。

題雪谷曉行圖

踏雪度嶙峋，霜髯跨玉麟。前瞻那有際，後至豈無人。松樹紛紛老，梅花的的春。金烏海底出，遍界爛如銀。

送先隴二隣僧還吳二首

蘭若背山陰，松筠夾逕深。門閒容虎臥，湖近聽龍吟。雨過泉添潤，風飄磬出林。衲衣皆舊識，一一謝幽岑。

東嶼憶招提，幽尋日未西。過山隨虎跡，倚石待猿啼。雲外催歸錫，松間覓舊題。卜隣吾欲老，毋惜伴扶藜。

節婦王夫人劉氏

憶昔中丞在，清淳古道存。節高賢女弟，文托外諸孫。慈竹宜家慶，桓楹表國恩。燕秦鬱相望，美俗繫人門。

次韻阿榮存初參議秋夜見寄

寓館城門夕。高秋雨露開。天垂華蓋近。月轉紫垣來。疏闊思良會。淹留到不才。深期謝安石。揮塵散風埃。

雪谷早行

積雪擁柴門。行人稍出村。溪頭或遇虎。木末不聞猿。接棧迴山閣。支橋就樹根。駢車上重坂。回首見朝暾。

雪岩樓觀

高閣丹青起。中天紫翠分。窗當大白雪。門俯九疑雲。伐木山人去。吹簫帝子聞。塵中歸未得。春思轉紛紛。

送人之劍閣倅

往年登劍閣。快馬著春衫。設險懷前賦。磨崖覓舊劄。鄉人遊雪界。郡倅試冰銜。歸道觀新政。春江不掛帆。

寄子山尙書

竹色侵衣碧。重簾雨氣深。白鵝翻墨沼。紫燕入書林。北海春尊側。西山夕閣陰。東曹公事少。歌舞散黃金。

漫興

雨閣添衣潤。風簾隱几高。白頭更事少。病日向書勞。南客傳音信。東家問酒醪。江邊茅屋破。歸楫若爲操。

送張尙德

史館薦張尙德爲檢閱官。朝廷以爲宜稱。可其請。未奏也。有司以闕簿注新進士。尙德頗有聞。卽斂裳宵逝。噫。進退若是。可以信史館之薦人矣。予力雖不足以留之。亦終不敢失之也。故作是詩以餞之。

六月初聞雨。官河潦水生。江南歸宋玉。稷下謝荀卿。鵬鷲青霄迥。蒹葭白露盈。都留詩興在。來聽上林鶯。

寄丁卯進士薩都刺天錫鎮江錄事宜差

江上新詩好亦知公事閒。投壺深竹裏。繫馬古松間。夜月多臨海。秋風或在山。玉堂蕭爽地。思爾佩珊珊。

送趙繼清令尹之官安陸

雲夢開七澤。陪尾貫連山。爲政煙塵表。吟詩松竹間。故人總華要。令尹獨清閒。文學偏宜老。毋愁髮髮斑。

明皇按樂圖

新度霓裳曲。三年教得成。驚鴻渾不下。飛燕若爲輕。芍藥春亭莫。夫容野水生。黎園多白髮。吹笛到天明。

送長沙守

白髮長沙守。循良又好文。近辭金馬去。遠有玉魚分。對竹聽湘雨。開簾看嶽雲。漢廷思賈誼。一飯莫忘君。

送趙編脩祀西嶽江瀆

西道祠官去。東風入旆斜。汾陰已歸鴈。江水正飛花。歲事聞宜穀。鄉人喜過家。老來思故里。欲寄使君車。

代衆仲作

昔在泉州住。將軍每見招。春雲山對屋。夜雨水平橋。池鴨穿荷葉。溪魚上柳條。禁城鐘鼓起。車馬晚蕭蕭。

題宋雲舉大常臨汾二節婦序後

許氏姪從姑。相承患難餘。自傷還自擔。同志復同居。白髮冰霜共。丹心鐵石如。有關名教重。珍重大常書。

送王照磨之官雲南

遺廟珍珠浦。歸舟熨道溪。飛鳶愁暑雨。走馬畏山泥。官署尊丹鷲。祠官勝碧鷄。題詩遠相送。紅日五雲西。

玉堂燕集圖

朝廷多暇日。別館又青春。薄醉猶催酒。清歌況有人。玉堂金硯匣。翠袖白綸巾。老去渾無賴。憑誰爲寫真。

寄答桂風子先生

深隱廬山裏。題詩忽見存。風高應跨虎。月落更聽猿。酒熟邀皆去。丹成笑不言。雲屏第九疊。相與浴晨暉。

寄蒲田先生

懸榻塵生席。深居畫下帷。齊眉安饋食。擁髻近歌詩。藥裏須鍾乳。書題憶荔枝。白頭吟更苦。何必蜀人思。

鄭谷圖

道士徐太虛。生紙畫山居。林壑春煙裏。桑麻夜雨餘。過橋九節杖。連屋一床書。似是子真谷。歸耕三月初。

畫檜

茅山多古樹。此檜更長生。鶴鶴棲來穩。蛟龍化得成。雲深還近戶。月落似聞笙。千載如相見。蒼然故舊情。

李員嶠墨竹

河東李學士。隨意放洋州。月落亭陰迴。雲生谷口幽。江濤空渺渺。筆墨更悠悠。瀟灑西清地。令人憶舊遊。

爲歐陽少監題宋好古竹

幕中能寫竹。作此雨瀟湘。出石根還瘦。臨溪影更長。班班稚子立。一一鳳雛將。日有長安使。平安問老蒼。

贈楊友直

雒陽楊友直。字儼漢中郎。畫若錐穿石。垂如雨漏牆。舞花羞女美。醉草笑僧狂。昨日鴻都學。煩君寫數行。

題朱邸竹木

江上復春雨。曾陰覆碧波。石高龍影臥。林迴鶴聲過。解佩倚蘭浦。揚旂落木坡。佳人翠袖薄。日莫欲如何。

寄阿魯輩學士

問訊東泉老。江南又五年。涼風鳴步屨。明月棹歌船。陪講長懷舊。還朝獨後賢。治平二三策。蚤晚玉階前。

赤壁圖

過鶴生新夢。携魚憶舊遊。清霜凋木葉。落月湧江流。隱者時堪訪。良田亦易求。如何玉堂夜。白髮不勝愁。

題況肩吾縣令贈行卷

縣庭都禁謁。祇許見諸生。接壤皆興學。遊民亦願耕。絃歌居室迴。山水畫圖清。千載雲巖石。能留令尹名。

送朱萬初之廣東照磨

聖主多清暇。臨池愛日長。天章垂鳳彩。雲氣動龍香。進諫慚簪筆。爭書敢近床。承恩君最蚤。服玉向炎方。

八月八日有感題視草堂壁

載筆趨芸閣。探囊索縑袍。坐銷秋日淨。心折夜風高。識字頭先白。謀生計轉勞。文園多病渴。常想賜蒲萄。

賦程氏竹雨山房二首

春雨過山竹。幽泉繞舍鳴。燕泥書帙晚。魚浪釣絲晴。奉席從孫子。連床總弟兄。舊聞林下叟。讀易到天明。

遊子聞春雨。思親望故園。竹間開几席。花底注山尊。累世書連屋。頻年稻滿村。卜鄰淳朴地。絕學欲重論。

戲作試問堂前石五首

試問堂前石。來今幾十年。衰顏空雨雪。幽致自風煙。微醉寒堪倚。孤吟靜更眠。舊湖春水長。誰繫釣魚船。
爲問堂前石。何年別太湖。春風神不王。夜月影長孤。不中明堂柱。空遺艮嶽圖。頗思嘉種木。歲晚與相扶。
爲問堂前石。何无藤蔓纏。金蓮疑可致。紫菊若爲妍。舊夢遺波浪。閒情閱歲年。祇緣相識久。親爲濯清泉。
碣石久淪海。女媧曾補天。乾坤遺葦爾。霧雨護蒼然。淬劍龍隨化。彎弓虎自全。昔賢多賦此。誰賦最流傳。
爲問堂前石。屢逢堂上人。遠來嗟最久。獨立與誰隣。運載勞車馬。摩挲識鳳麟。鑿車書吉日。追琢到嶙峋。

代石答五首

幸自隣頑鄙。毋煩問歲年。當寒金作礪。向暖玉生煙。眉黛無歸意。毛羣有叱眠。涼州三百斛。亦未醉觥船。
昔觀一柱觀。還度幾重湖。雪盡身還瘦。雲生勢不孤。研穿鄴臺瓦。賦就草堂圖。芝閣玄雲在。危踪敢藉扶。
牛角何堪礪。蝸涎謾自纏。沉冥辟邪古。羞澁望夫妍。神物須清鑒。靈根屬小年。金輿曾共侍。千載憶甘泉。
轉徙寧論地。存留亦信天。露盤危欲折。劫火不同然。維下殘經斷。岐陽數鼓全。向无文字托。寂寞竟誰傳。
去歲留別詩。嗟哉白髮人。冠依子夏製。居切左丘隣。執籥充振鷺。脩辭綴獲麟。終須愁坎壈。勿用誚嶙峋。

送魯子翬廉使之漢中

封上頌臺禮。輕車入漢中。節毛吹渭雨。木葉動秦風。把酒臺基古。馳書歲事豐。朝回倚西閣。日日數歸鴻。

立春夜試墨

輕雪作春花。飛來入鬢斜。紫貂迎曉霧。絳蠟炫晴霞。書詔頻趨閣。思歸卽借車。幾時將稚子。隨意踏江沙。

蜀人曲江之官贈以墨竹

粘筆寫琅玕。清風入室寒。蜀山空假塞。海郡更盤桓。雲霧瓊簫遠。冰霜玉節完。莫忘鄉里意。持向曲江看。

正月十一日朝回卽事

宮柱春陰合。霓旌拂曙來。天光臨閣道。雲氣轉蓬萊。晝漏沉沉鼓。晨尊灑灑盃。香霏簾底霧。樂殿殿前雷。祥瑞儀曹奏。珍淳尙食催。舞庭分鷺序。效獻過龍媒。融雪微生草。輕風不動埃。老人南極至。王母上方回。玉色何多喜。金華得重陪。裁詩賀新雨。西閣待門開。

贈別兵部崔郎中。暫還高麗卽回中朝

東髮來東海。從軍護北門。珠光連旭景。玉氣達春溫。淵靜龍含德。門嚴虎列屯。從容參幄帳。慨慷屬橐鞬。拜表推黎獻。趨朝謁至尊。雲依溫室樹。星入紫微垣。不道璠璣貴。仍嬰筭庫煩。利行雖近市。義守不窺園。眷遇忘身得。危難欲手援。懷邦維父母。於國實甥婚。異國還羈勒。原原致壁殮。魯連名竟重。箕子教應存。簡在從當日。扶持備宿藩。清宮風肅肅。驂乘火焯焯。帝所爲郎重。王家報禮焯。暫伸桑梓敬。未愛李桃繁。神闕秋期蚤。康侯晝錫蕃。九成思閣鳳。六月待冥鷗。

次勻筠軒司徒足成且公所藏英宗御題之句元題曰日光照吾民月色清我心又題琴曰至治之

音

化國多長日。高人侍紫宸。觀書從上相。屬筆念生民。雲漢文章備。風雷號令新。惟應青簡在。能載古風淳。御翰龍池曉。繙經鷺殿陰。雲依清靜葉。月印妙明心。千載堂堂去。諸天肅肅臨。朱絃誰爲鼓。至治有遺音。

次勻李侍讀東平王哀詩

宇宙生奇變。明良陷逆圖。傳聞昏白晝。悲憤結全區。治極機潛否。恩深事失謨。犯車仍斷軌。壞戶竟傷樞。魑魅嫌明鏡。強梁忌雅模。甘心成首禍。藉口肆羣腴。隱忍危衝決。憑陵善唯俞。自天僉鈇鉞。累月具箠壺。裹革疑亡地。招魂競出都。笳鳴殘夕月。馬憤四交衢。所痛倉皇際。將无古昔殊。腹心何蠱蝕。肘腋不支梧。列位多翹楚。干城總豹驅。詎言歸厄數。不復頌貞符。天討公無赦。皇心愛不姑。報讎論婉孌。錫爵醉嗚呼。相業今如在。民生實少疇。誰能疵璧玉。唯有泣瓊珠。執簡書羣盜。當關欠一夫。馳奔嗟薄日。沐浴止中途。決去思投闕。違之或汎湖。危知无復死。恨不奮前誅。春雨煩冤滌。朝陽瘋思蘇。謳吟申感慨。述作懼荒蕪。芒忽思離散。焄蒿起苑枯。神還嵩岳峻。氣直斗杓孤。陟降先皇側。回翔造化徒。英靈常會合。瞻想豈虛無。

慶史顯甫治書父八十

治世尊三壽。高年見八朝。羽儀參漢皓。神觀邁周喬。柱下聲名遠。壺中日月饒。微醜霞灼灼。新沐雪蕭蕭。地厚原初峻。天全玉不凋。一經傳令子。貳憲肅羣僚。侃侃稱時望。英英樹國標。繡衣兼綵服。白日上青霄。上壽歸榮異。推恩錫爵超。紫深宗伯橐。金重列侯腰。珍膳應恆從。安車必見招。乞言逾藥石。報德稱瓊瑤。千歲庭來鳳。羣工韻合韶。陳詩方懿頌。擊壤此康謠。

送國王朶而只之遼東

大祖收中夏。元臣有武功。建邦開土宇。爲位冠君公。奕世王章在。諸孫相業隆。春秋周正月。禮樂魯新宮。鹿幣金遺耐。熊侯算失中。河山仍鉄契。寶玉右瑠弓。投筆鄒枚秀。揚旂芮結雄。塞雲依碣石。凍雨洒遼東。戎器囊藏盡。賢書奏納同。大夫勞誓御。惇史采民風。

送陳碩

莆田陳氏慶曆名法從。故家也。自衆仲來京師。集得友焉。凡問學修己之事。有益於愚陋多矣。又從知其父兄之賢也。問所自出。則南塘趙氏。信乎其學之有傳矣。嘗以其從子碩來見。予愛其端謹。可望南歸省父衆仲。送之以文。予不能忘也。乃賦詩曰。

六歲過閩郡。書聲憶滿城。目盲今子夏。心醉昔延平。爾叔同游息。吾文愧老成。每分重席暖。相對一燈明。遠海乘桴意。高山伐木情。願携筇竹杖。往看離支生。辟掾青衫舊。趨庭綵服輕。爲言穿木榻。亦未厭藜羹。寶瑟留飛鴈。蘭舟及嘯鸞。佩懷湘渚贈。綬向會稽迎。去去江雲濕。飄飄鳥霧清。重來知有意。時我已歸耕。

奎章閣靈壁石奇絕名世御書其上曰奎章玄玉有勅命臣集賦詩臣再拜稽首而獻詩曰

禹貢收浮磬。堯階望喬雲。自天承雨露。拔地起網緼。擊拊磬音合。衡從玉兆分。巨鼇三島力。威鳳九苞文。辨位資乾坎。爲山填幅員。固知興寶藏。不假運神斤。書帙侵春潤。香爐借宿薰。烟光晴冉冉。波影晝沄沄。融結繇元化。登崇荷聖君。瑞於龜出洛。重若鼎來汾。柱立尊皇極。磐安廣帝助。詎云陳秘玩。因願獻前聞。

送南宮舍人趙子期宣詔交趾

三年頒正朔。五月向南交。將命方離闕。陪臣已在郊。衣裳鴻羽漸。干戚虎皮包。瘴霧衝風散。瀧湍急雨捎。朱鷺窺土室。白雉下槽巢。夜浦鮫停織。陽岡荔折苞。初筵分艷麗。後騎器笳鐃。諷日脩王貢。兼時眠客庖。方言書仄理。海錯藉青茅。漢柱苔侵篆。秦林柱拂旂。括囊無慧苴。當戶有蠨蛸。卽見還英節。毋煩筮繇爻。

道園學古錄卷之二

在朝藁三

芝亭永言

律詩七言

送袁伯長扈從上京

日色蒼涼曠赭袍。時巡毋乃聖躬勞。天連閣道晨留輦。星散周廬夜屬橐。白馬錦韉來窈窕。紫駝銀甕出蒲萄。從官車騎多如雨。祇有楊雄賦最高。

代祀西嶽至成都作

我到成都纔十日。駟馬橋下春水生。度江相送荷主意。過家不留非我情。鷓鴣輕筏下溪足。鸚鵡小牕知客名。賴得郫筒酒易醉。夜深衝雨漢州城。

贈星上人歸湘中

潭北湘南無影樹。一花吹度海門潮。天香滿室定初起。雲氣上衣身欲飄。寶月夜寒龍在鉢。銀河秋近鵲成橋。豈無一箇邛州竹。與爾松根共寂寥。

子昂秋山圖

翁昔少年初畫山。丹楓黃竹雜潺湲。直疑積雨得深潤。不假浮雲相往還。世外空青秋一色。牕中遠黛曉

千鬟瀛洲雞犬同人境。尙想翁歸向此間。

題黃竹村所藏畫卷

雪後城陰雪一坡。寒梅疎竹共婆娑。經行不覺籃輿遠。點染還疑綵筆多。蜀棧煖雲生野樹。匡廬晴照落江波。商公已老高公死。惆悵誰人奈汝何。

過池陽與周南翁同知

使過池陽聞上日。好懷浩蕩爲君開。江干維楫車馬集。亭上持盃風雨來。通夜魚龍聽語竟。明年鴛鴦憶朝回。九華秋色翠可食。爲問謫仙安在哉。

安慶路雙蓮寺得上人超然亭

超然之亭何所超。雙蓮孤塔共岿巖。城頭疎雨散花至。江外斷雲將樹朝。晨飯舊從香積化。晚鐘常送海門潮。尋原悵望空歸去。此地安禪試往招。

謝茅山主者贈白羅氈衣請爲作大洞祖宗師四十五贊

鶴氈裁成雪色新。仙翁持寄感情真。清高自此全拋俗。寬博由來穩稱身。珮玉洞聞雲外響。劍光飛射日中塵。畫圖寫向羣真裏。便是揮豪贊詠人。

送莫京甫廣憲經歷

延春閣下承恩日。是我經帷侍講時。方擁青編臨綺席。遙看朱紱拜丹墀。風微細草鳴珂珮。日煖飛花近鬢絲。上憶遠人常軫念。莫言南海是天涯。

集與諸公遊尙書何公山莊公孫斯明先爲剪薙荆榛并致酒饌遂得瞻敬尙書墓道盡日乃還偶
成四詩酬斯明兄弟并簡同遊者

盛德高年陟泰階。歸尋仙隱石樓開。舊聞前引朱衣吏。每爲行吟綠逕苔。夜色園林瓊圃樹。春寒庭館石
湖梅。誰家今有賢孫子。黃菊高秋與客來。

先君夙有登臨志。老去無能共往還。取謂菊華憐寂寞。許教筇竹歷孱顏。地高天近惟秋好。雲淡風輕盡
日閒。早晚涪翁酬素約。更從几杖一躋攀。

石梯一逕仙凡交。過此先見蒼崖坳。幽穿斗角潛蛟窟。危出雲根棲鳳巢。題字百神驚澗底。嘯歌衆籟越
林梢。重吟仙伯石樓詠。一解齊人山鬼嘲。

黃姑仙崖置屋牢。我躡飛磴如猿猴。環山翠黛是城郭。平地白雲皆海濤。人頭關上走馬健。仙掌峯前飛
隼高。願得金丹換毛骨。三清八極共遊遨。

黃氏妹之葬余以他故不及送之既葬之明日仲常弟與譚元之表姪述事與懷形諸詠嘆後十餘
日始得併見諸公和章集憂患之餘觸事易於傷感俯仰存歿不覺清涕之交頤也依舍弟韻亦述

二章一以示黃氏諸甥一以寄元之表姪

寒泉涓涓山木秋。予弟行役荒原頭。忍聽諸生哭慈母。浩將孤淚灑新丘。山川神氣蚤晚復。珠璧輝光日
夜浮。不惜衰年待爾輩。受成積德過岑樓。

憶別高堂十五秋。不堪俯仰雪盈頭。翁時贈玉歌清渭。子正將車從太丘。久矣孤懷成寂寞。勗哉古學矯

虛浮。每看舍弟承咨辨。如見從容月滿樓。

題故太子少傅翰林承旨李野齋幽居圖

車蓋歸來托遠林。魯山齒萃魯原深。漁樵相識頻分席。賓客時過共賜金。百歲儀刑猶近古。五朝文物至今。披圖想見登臨地。松滿徂徠起夕陰。

送江聲伯

家近茅峯無百里。羨君來往及清秋。每看丹井晨光起。幾見龍池雨氣浮。白髮紅塵嗟我老。素書玉訣使人愁。仙都羣老渾相識。定著雲裘訪羽丘。

歐陽元功待制入院後僕以兼領成均辰酉甚嚴絕不得相見今夜當同宿齋宮賦此先寄并柬謝敬德脩撰

學省初兼禁直稀。故人同署却相違。食餘苜蓿承朝日。坐候棠梨過夕暉。成均堂東有棠梨樹。月影至則師生始散。二十餘年矣。預喜奉祠秋寺燭。定知催襪早朝衣。今晨瘦馬經門巷。想擁青綾尙掩扉。

次韻張蔡國公淡菴青山寺詩

相國觀山負夙期。聖恩祇許暫相違。身隨雲影留三宿。心了泉聲絕百非。開士談空依寶樹。野人耕雨薦山薇。雙龍深護安禪處。繞坐諸天近紫微。

次韻國子監同官

坐隱烏皮髀肉消。諸生應笑懶邊韶。階前老馬隨秋草。袖裏遺編俟早朝。乞米西隣晨有粥。留家南國暑

無綃。經明亦是歸耕好。清夢無時萬里橋。
學官南直禁垣陰。假寓唯愁兩壁沉。一曲鏡湖遺老事。三年經幄小臣心。銀河回夜天逾近。草逕迎秋露
轉深。珍重鄉人居巷北。時能來往和鳴琴。

次韻馬伯庸寶監學士見貽詩并簡曹子貞學士燕信臣待制彭允蹈待制

禁廬曉直夾城西。經笥龍光暎壁奎。繞閣浮雲飛野馬。當階生草伏馴麋。雷行已識天無妄。風烈唯聞帝
弗迷。徒積寸誠無補報。無還米署欲鷄栖。

其二

奉節通宵虎帳西。重光貫玉護文奎。賜餘分食兼羔雉。侍側專茵雜豹麋。樂事易成團月怨。吟情深入五
雲迷。上林更有高枝在。彩鳳還來擇舊栖。

鼇峯者國史院庭中石名也。伯寧御史爲僕言。自其先公時。與諸老名勝賦詩者。蓋數百篇。今玉堂
無本。而御史家具有之。且曰。峯所托差低。盍稍崇其址。乃八月五日。旣克如命。因賦此以報。且請錄
示舊詩補故事。以傳云。

視草堂前石一拳。何人移置自何年。久憐翠色連重地。故拔孤根近九天。俯仰百年承雨露。等閑千尺接
雲煙。故家御史遺書在。爲錄鼇峯舊賦篇。

進講後侍宴大明殿和伯庸贊善韻

丞相承恩自九天。講臣春殿秩初筵。養賢敢謂占頤象。陳戒猶思誦抑篇。旣奏文韶兼善美。豈無后稷暨

艱鮮願推餘澤均。黎庶樂只邦。基億萬年。
劍履歸來帶玉璫。元臣促召不崇朝。盍簪誠與朋來助。納約須從牖向招。御柳新條臨畫殿。仙桃曉色上春潮。校書寂寞楊雄宅。亦賦凌雲麗九霄。

十一月二十夜思仲常弟

江梅應發去年叢。叔也俄爲畢竟空。來後去先康節苦。離多會少子瞻窮。近書時閱猶疑在。舊學重思孰與同。萬里相從憐季子。白頭清淚夜牕中。
還京聞訃在秋餘。老淚無多眼易枯。丹旆到無頻入夢。佳城得否未收書。食貧未已憐孤幼。述德無聞愧老夫。忍讀近緘成永訣。爲教衰薄趣歸與。

次韻道士寶神清賦舜粟

帝德無爲保太和。歷山遺種有嘉禾。想經稷教躬耕法。正及堯時擊壤歌。旆旆九秋新雨露。離離千古舊山河。曲肱飲水幾忘肉。最憶宣尼感歎多。

太一道士張彥輔族本國人。從玄德真人學道。妙齡逸趣。特精繪事。爲其友天台徐中孚用商集賢家法。作江南秋思圖。東觀大隱。蜀虞翁生爲賦此詩。

三年別却釣魚磯。畫看新圖夜夢歸。石壁蒼松含爽氣。江沙翠竹弄晴暉。西瞻雪嶺家何在。東入天台路轉微。賀監若蒙湖曲賜。遍翔千仞振塵衣。

贈寶神清歸隱茅山

翩翩歸鶴自遼東。又向茅山擬住冬。啄食定依何處竹。結巢應得古時松。雪滿空山騎一虎。月明秋水佩雙龍。別來彷彿三千歲。亦欲還栖第一峯。

題南野亭

門外煙塵接帝局。坐中春色自幽亭。雲橫北極知天近。日轉東華覺地靈。前澗魚遊留客釣。上林鶯囀把杯聽。莫嗟章曲花無賴。留擅終南雨後青。

送貢仲章學士奉祠嶽瀆

三十過從今六旬。故人唯我兩吟身。空華作賦相爲壽。寧復升堂互拜親。送別轉令嗟影獨。思歸從此上心頻。南湖春滿鷗波綠。定艤乘槎往問津。

次韻吳成季宗師赤城阻雨

人間伏日當蚤休。道上馬車如水流。神仙不愁風雨夕。父老已知禾黍秋。誰憐司馬久多病。惟有杜康能解憂。北溟之鷗六月息。載我八極歌遠遊。

次韻伯庸尙書春暮遊七祖真人庵兼簡吳宗師

賞心不作三春過。高興都爲百事牽。願解蘭舟溪水汎。思携藜杖野雲穿。真人館在無塵界。太尉詩如絕行仙。花下共遊仍獨往。不辭泥醉晚朝天。石渠承雨作流泉。中有參差荇菜牽。花近飛觴魚駭逝。柳低步障燕隨穿。紅塵朝路常參吏。清晝齋居幾劫仙。但乞會稽尋賀監。酒船一棹水中天。

花時宮館多賓客。春酒盈缸釀在牽。據石發歌風爲起。臨流揮翰硯將穿。紫髯一去惟憑夢。白髮頻搔豈解仙。賴有看雲高閣在。江東烟樹共晴天。

一住京華三十年。春花秋月謾相牽。高情總付珠簾卷。危坐空餘木榻穿。水曲停驂新禊事。牆陰題字昔遊仙。動成陳迹多惆悵。安得長生老後天。

送宋誠甫太監祀天妃

使者受節大明殿。候神海上非求仙。廟前水生客戾止。帷中靈語風泠然。麗牲有石載文字。沉璧用纆求淵泉。賈生何可久不見。海若率職君子還。

觸石墜馬臥病蒙恩予告先至上京寄漑之學士敬仲參書

翠幄臨都尙駐郊。言瞻龍漠度前茅。雨餘草氣千原合。日下雲章五色交。給札脩辭持玉筆。賜羹充腹出珍庖。白頭感遇知何補。阿閣清嚴栖鳳巢。趨召顛隴歎目昏。旋聞予告荷深恩。藥頒西域千金劑。酒賜初筵九醞尊。默憶舊書忘晝永。行吟冷暑覺春溫。摩挲素壁光於雪。思得參書寫樹根。

閒閒宗師和前韻期望過當復用韻以謝

草堂長憶蜀西郊。屢卜歸休自折茅。司馬檄傳驚父老。少陵詩苦入神交。山多美竹深宜屋。江有嘉魚遠致庖。乞得閑身當及早。堯時元自有由巢。

書卷連床度曉昏。懷歸猶復戀君恩。養生賴得南華論。好客時傾北海尊。山木向秋俱老大。海霞迎日共

清溫蓬萊正與鼇峯接。幾見浮雲起石根。

雲州道中數聞異香

雲中樓觀翠峯巖。載道飛香遠見招。非有芝蘭從地出。略無烟霧只風飄。玉皇案側常霄立。王母池邊向日朝。却袖餘薰散人世。九天清露海塵飄。

次韻楊友直北行道中

蕭蕭戎馬昔升虛。壯士吹笳慘不舒。關外羽書三月急。道傍茅舍百年餘。沙田雨足仍生黍。河水冰消不
禁漁。洛下賈生猶獻策。平明立在玉階除。

王儀伯參政見和郊字韻詩復用韻敘謝

龍游宮沼鳳游郊。通水明堂不剪茅。絲絕草儀三日具。大亨饗帝五雲交。執輿已信神爲馬。和鼎寧容祝
代庖。八月涼風張樂地。頌聲洋溢播雲巢。
聖遠言湮感墊昏。河汾千載最知恩。垂紳論道稱前古。束髮明經奉至尊。車騎身從游汗漫。庭闈心在視
寒溫。朝回未覺歸途晚。斗柄西移揭角根。

蟾

十月十六日奎章奏對回至李漑之學士宅宣旨行香孔林按上得佳紙因賦此詩并得其鎮紙玉
聖恩深念魯東家。林木蕭條散暮鴉。丹詔先令脩古廟。彤庭即日遣皇華。閣中學士馳山驛。天上文星絢
海霞。偶爲傳宣到書閣。就床奪得玉蝦蟆。

次韻馬伯庸尙書

邃閣晨趨禁掖西。萸街騎馬及鷄栖。退朝每想花邊散。得句應從竹上題。賜被南宮無宿火。齋居方丈有蒸藜。鳳池何似承明近。久候文星共聚奎。

送甘太史祀名山大川

太史名山閱秘經。承恩衣繡許趨庭。江頭飛蓋逢春雨。林下幽人識使星。宣室夜深蓮燭絳。石渠風煖竹書青。清朝盛典須成蹟。最想遄歸駟馬駟。

就甘太史并寄天台武夷太無三君

武夷山裏芝三秀。華頂峯前黍一炊。湖老每懷鴻去遠。山人毋謂鳳來遲。浮關紫氣緣書住。照夜青藜賴客知。賀監清狂天所放。故令華髮侍安期。

子昂墨竹

高崖數竹凌風雨。老可當年每畫之。脩影自憐流水遠。虛心如待出雲時。縱橫鴻爪留沙磧。宛轉鵝羣向墨池。百世湖州仍見此。故知王子善參差。

二十五日卽事呈閣老諸學士

松陰鶴立候宮車。風送飛花著白鬚。水影漸移簾側畔。鶯聲祇在殿東隅。近床擬進名臣操。載筆親題列女圖。太液雨餘波浪動。龍舟初試散魚鳧。

賦胡氏皆山

萬山起伏如波浪。外固中寬故可居。日出擁金千仞雪。雲生納翠八牕虛。亭中留客多爲酒。谷裏成樓更貯書。朝往莫歸勞杖屨。醉翁應不憶環滁。

賦礪山成簡卿心遠亭

作亭臨河河水渾。草樹繞屋啼鳥聞。夢回枕上彭城雨。目送檐間芒碭雲。歸來黃菊有佳色。坐老青山無垢氛。但願尊中長得酒。曲阿莫問舊參軍。

送全州錄事

清湘郡城公事少。錄事官曹盡日閒。且可隨雲度流水。更宜把酒看青山。僧前虎跡石苔紫。雨裏鳥聲江竹斑。應會吟詩一百首。寄與明年春鴈還。

與衆仲助教讀王臨川遺事慨然興懷良上人爲蔣山善公求送行因爲賦此

霜筠雪竹鍾山寺。最憶臨川舊所遊。病骨荒陂秋澹澹。白頭遺恨思悠悠。燕歸雲海迷華屋。鷺起星河近綵舟。欲托善公重到日。松間石上試相求。

玉堂讀卷

玉堂策士詔儒臣。御筆親題墨色新。省樹坐移簾底日。官壺馳賜殿頭春。虞廷制作夔龍盛。漢代文章董賈醇。書閣莫年偏感遇。但歌大保答皇仁。

謝吳宗師送牡丹并簡伯庸尙書

輕風紫陌少塵沙。忽見金盤送好花。雲氣自隨仙掌動。天香不許世人誇。青春有態當牕近。白髮多情插

帽斜最愛尙書才。思別解吟胡蝶出東家。

和范德機從楊撝進士見寄

清江先生最好奇。十年不出髮如絲。田舍每詢歸後計。玉堂今見寄來詩。風前雨過林花動。日下雲行省樹移。還覓舊遊春欲莫。楊撝爲我道深期。

送進士劉聞文廷赴臨江錄事

清江百人石爲城。太華千峯積雨晴。官府幾時書帙靜。漁舟盡日釣絲輕。故家好訪春秋學。上國多傳月旦評。頗有老懷煩錄事。到州爲問范先生。

大廷策士問經世之道。僕忝在讀卷之列。觀諸進士所對有感賦此錄以贈別。留性粹中支渭興文

舉二賢良

昔人有欲問先天。林下相期二十年。已向塵埃成白髮。尙從燈火事青編。獲麟遂訖春秋後。鳴鳥猶聞禮樂前。春雨未來農事晚。獨懷歸計在山田。

羅朋友道擢高科拜官還崇仁賦此爲別

重溪疊嶂竹交加。曾著芒屨踏白沙。名勝多年嗟寂寞。文章此日羨才華。青雲步武纔重見。白屋詩書尙幾家。鄉邑相逢煩告語。好敦忠信作生涯。白沙友道居近之。昔崇仁有何同父尙書。李公父舍人墳墓。故宅在焉。國朝六科崇仁舉進士第者。惟家弟與友道才二人。故云重見。所以深期望於來者云。

贈趙生

天門一日觀黃榜。茅屋三年掩素扉。湘帙蠹魚春雨潤。練囊螢火夜光微。夢游朔雪留鴻跡。思入南山望鶴飛。會倚官墻看射策。上林初日炫朝衣。

贈昇龍觀主

榻前親製先生號。賜與江南謝舜咨。太華雲開天使下。少微星動史官知。龍飛滄海留珠樹。虎臥丹房守玉芝。聖主無爲千萬壽。更應築館候安期。

訪李真人不遇

退朝花底佩珊瑚。去訪真人曉出關。芳草欲迷行徑古。長松深護步廊閒。蒼龍挾雨得瑤簡。白鹿穿雲致玉環。如到天壇看月影。定知清露滿人間。

賦壺洲

傳聞海上有玄洲。曾是安期舊所遊。千頃白雲都種玉。一杯弱水不勝舟。魚龍夜護黃金鼎。鸞鶴晨朝紫綺裘。波浪不驚星斗近。步虛聲裏度清秋。

完哲篤下第歸蜀

西郊長憶草堂吟。塵外幽居更可尋。奏賦上林春事晚。携書舊隱歲華深。濯錦江波紅灑灑。浣花潭水碧沉沉。白頭未覺歸歟莫。待子重來獻好音。

吳宗師夢予得山居奇勝特甚夢覺歷歷分明忻然相告賦此

夜來夢我山居好。笑我平生豈有之。野服許辭金殿直。俸錢足辦草堂費。安知蓬島非兜率。不是匡廬定

武夷還有勝緣同。晚歲至人無睡已多時。

富李簡伯司業分俎

憶昔同堂肄樂歌。朝陽煦煦午風和。炮羔升俎堆紅玉。醕酒盈尊汎綠波。坐席已成三載別。交情猶似嚮時多。尋常飽德寧私我。願賦緇衣上禁坡。

次韻朱本初訪李漑之學士不遇

城南城北煖塵飛。伐木相求苦未歸。吟到碧桃還細雨。行尋芳草又斜暉。綺牕綵筆題詩徧。斗帳沉香入袖微。共載小車勝上馬。重遊莫待曉紅稀。

寄趙子敬平章

聞道乘閒入翠微。猶愁嵐氣濕人衣。道傍野樹飛花盡。溪上春雲作雨歸。故舊釣絲輕在手。仙人棋局靜忘機。赤松曾許同千載。擬向高秋傍鶴飛。

仁壽寺僧報更生佛祠前生瑞竹有懷故園

聞道故園生瑞竹。試從來使問何如。蒼筤獨出千叢裏。翠節駢生數尺餘。比管可吹丹穴鳳。長竿莫釣錦溪魚。折筵已向靈氛卜。亦說能歸似兩疏。

聞道故園生瑞竹。令人歸興滿江干。扁舟不畏瞿塘險。匹馬誰云蜀道難。杜甫溪頭花匠匪。孔明廟裏柏闌珊。新堂題作歸歟字。定得臨江把釣竿。

聞道故園生瑞竹。山僧爲我重栽培。百年雨露餘生息。一日風雲幾往迴。壠上枯桑烏萃止。城東華表鶴

歸來聖恩若許歸田里。千石清尊爲爾開。
聞道故園生瑞竹。吾家孫子好歸看。佛祠竟日春陰覆。先隴多年莫雨寒。門戶淒涼嗟老病。鄉關迢遞報平安。重來慎勿勞余夢。駟馬橋邊據馬鞍。

題張太玄爲陳升海畫廬山圖

誰向匡廬成舊隱。畫中一似夢中看。千株松樹參天起。一箇茅亭傍水安。清風空谷傳吟嘯。白日高岑生羽翰。寄語山中陸脩靜。葛巾不畏過溪寒。

別國史院鼇峯石

秋雨莓苔數尺身。文章曾見百年人。吁嗟一代興王盛。付托諸公製作新。垌野有詩皆在魯。泰山無刻更先秦。鳳麟一去無消息。空使驚駘愧後塵。
執戟楊郎久不遷。頻年從幸到甘泉。賜歸特許先三日。作賦時令奏一篇。翠勺娛人花帶露。貂裘倚馬草橫煙。殷勤爲謝堂前石。何處來秋共月圓。

神鳳琴

鳴鳥人間久不開。遺紋欲托斷琴紋。曾看土鼓歌朝日。亦共陶尊醉夜分。五色雲中迎太一。九疑山下望湘君。采詩應被唐風譜。早晚樓舡或祀汾。

繼陶居士傳

汲水滔滔蜀嶺尚。飛蓬千里棘心勞。道間化虎作人語。城上慈烏向子嗥。玉樹斷歌殘王氣。朱門往事付

鴻毛將軍莫歎今爲庶。居士當年已繼陶。

謝書巢送宣和瀘石硯

巢翁新得瀘州硯。拂拭塵埃送老樵。毀壁復完知故物。沉沙俄出認前朝。毫翻夜雨天垂藻。墨汎春冰地應潮。恐召相如令草檄。爲懷諸葛渡軍遙。

送蘇伯脩御史

新除御史南臺去。頓覺文星闕下稀。病起可堪江霧濕。信還莫待苑花飛。千年鳳鳥來阿閣。萬里鱸魚出釣磯。總道楊雄文最古。君知頭白久思歸。

次韻柯玉文寄別

避弋驚鴻過遠汀。啄苔病鶴想華亭。臨邛枉騎情都盡。於越扁舟影更俜。賓客莫詢溫室樹。君王猶問楚江萍。重來賈傅非年少。前席從容對夕廷。

謝書巢惠梅花

巢翁遠送梅花樹。正在東風四日前。紅萼無言餘舊雪。白頭相見又新年。喜從嘉樹來江雨。憶共香航上海舫。春夜不眠賓客醉。只留孤鶴伴清妍。

再用韻簡巢翁

豈無尊酒梅花側。聞道長齋繡佛前。方閣護雲宜煖日。小車衝雪稱高年。願辭閣下金蓮炬。但乞湖中卷畫船。約取巢翁携鶴去。鬢毛同白不爭妍。

送玉泉長老栗木果

非青非黃栗木果。使者西川馬上來。楚國共疑金橘味。衛人祇道木瓜栽。頻婆妙色情懷別。橄欖餘甘齒頰迴。歸到玉泉應說法。試令關老聽轟雷。

送王君實御史

頓覺文星闕下稀。旁人猶道此言非。東風十日京城雪。西道三春客子衣。鸞滿鞦韆川君定到。鵲啼劍閣我思歸。千花並繞圖書府。相待承恩入紫微。

寄句曲外史張伯雨

獨抱長鑱管白雲。琴心誰錄內篇文。清齋三日秋仍瘦。徧禮羣真夜每分。石記恐妨塵外事。山經聊許世人聞。已從司馬求真籙。更爲通章九老君。

寄富馬昂夫總管

白髮先朝舊從官。幾年南郡尙盤桓。九華山裏詩題徧。采石江頭酒量寬。鴈到京城還日莫。馬懷餘棧又春殘。何時得共鳴臯鶴。八月匡廬散羽翰。

觀大洞經書與董道士

江東昔有大茅君。大藥親令二弟分。紺綠俄消頭上雪。玄黃初合洞中雲。雷鳴春谷龍三變。月滿秋空鶴一羣。一落人間成老大。何年名字刻瓊文。

送劉宗師歸茅山

長松落落千峯雪。碧漢寥寥一鶴風。十月暫離句曲洞。早春還謁大明宮。君王舊識蒼龍劍。圖畫新傳白髮翁。欲把紫芝歌隱德。三茅應聽月明中。

與薩都刺進士

當年薦士多材俊。忽見新詩實失驚。今日玉堂須倚馬。幾時上苑共聽鶯。賈生誰謂年猶少。庾信空慙老更成。唯有臺中馬侍御。金盤承露最多情。

送歐陽元功謁告還瀏陽

憶昔先君早識賢。手封製作動成編。交游有道真三益。翰墨同朝又十年。心似古人機獨敏。用周當世德仍全。雍祠已有蒼崖石。欲托高文與代傳。曉奉新書進御床。解纓隨見濯滄浪。歸鴻不計江雲闊。倦驥空懷野水長。竹簟暑風魂夢遠。茶烟清晝鬢毛蒼。藍輿十里宜春道。投老相求訪石霜。

送王師魯編脩祠南鎮

山陰巖壑多塵迹。王事能來況莫春。太史好探神禹穴。老夫先是會稽人。海東日出雕闌近。湖上風生白苧新。若得梅樓同晚飯。便從賀監卜爲隣。

次韻楊友直

真館能容客避囂。深簾飛絮畫寥寥。數枝芍藥誰相贈。一束生芻故可招。坐定驚雷經席上。酒闌纖月在林標。何由長共陶弘景。聽取松風作鳳韶。

題東平王與盛熙明手卷

宋宣和手勅一通。卷首題識四字。我朝英宗皇帝御書也。帝嘗以至治三年正月十五日幸五華山。臣有以此書獻者。丞相拜在侍側。就題以賜之。既歸第。曲先盛熙明寫金字佛書一帙。贊丞相。丞相因以此卷贈之。且語以其故。至順三年三月八日。熙明屬歐陽玄記其事於左方。

聖代御題前代勅。小臣叨備史臣書。事業久爲人士直。文章猶作世璠璣。海淪碣石圖空在。墓築祁連計已疎。誰識全燕天所斬。萬年形勝帝王居。

和馬侍御西山口占

岵巖宮殿水西頭。春日時聞翠輦遊。霧引旌幢連閣道。風傳鍾鼓出城樓。羣臣頌德金爲刻。萬歲稱觴玉作流。避暑醴泉涼氣早。旋京應喜大田秋。

到先隴爲墓人書

未忍他鄉作故鄉。故因使騎入陵陽。鄉人共訝聲音似。客路疑將鬢髮蒼。親老長懷鄉里意。孫多宜置墓田旁。治生自可依諸葛。數頃膏腴八百桑。

八月十五日傷感

宮車曉送出神州。點點霜華入弊裘。無復文章通紫禁。空餘涕淚洒清秋。苑中苜蓿烟光合。塞外蒲萄露氣浮。最憶御前催草詔。承恩回首幾星周。

題煖翠亭

老去唯思臥白雲。一亭萬竹喜初聞。波回曉日鴛鴦並。沙散晴烟翡翠分。把釣左泉歸衛女。乘舟北渚望湘君。誰能獨采薇盈袖。却道高寒思不羣。

送許有孚赴湖廣提舉

奉詔掄文秘殿西。才華知合藉金閨。思親浩蕩江波遠。戀闕遲回苑樹低。望鶴樓前移綵鷁。吟詩花底聽黃鸝。歸來尙覺春風早。鴈字充庭玉筍齊。

賦石竹

積雪初消萼綠華。東風吹動絳綃霞。龍嘘石氣千年潤。鶴過林陰一逕斜。刻字欲尋金錯落。析旌如織翠交加。綺牕坐對吹笙暖。未覺人間歲月賒。

集爲朶兒只慎齋平章題紫微亭用王右丞語也并賦詩一首奉寄

右丞昔向終南住。獨對南山賦紫微。春雨乍收原上牧。晚晴仍見谷中歸。好留杜牧爲賓客。更覓園公共蕨薇。聞道新亭多雅興。想持尊酒看清暉。

賦碧筠堂

藹藹江東雨後雲。碧筠堂上注芳尊。眉山老去無賓客。香水春生有子孫。團扇晚涼留翠黛。疎林纖月對黃昏。問誰吹得參差玉。爲斲蒼苔向石根。

奉同吳宗師賦蔡七祖新齋

城南烟樹聽鶯啼。石上莓苔覓舊題。自有琴心傳內景。更將書帙事幽棲。晚來相鶴風生竹。雨過籠鵝水

滿溪。蜀客草玄成底事。蕭條白髮愧青藜。

次韻吳宗師

硯池滿貯薔薇水。罌腹輕磨翡翠釵。仙苑烟雲隨地煖。道山風日向春佳。巢笙夜夜鳴金屋。飛鳥時時步玉階。祇恐江頭花事晚。謾勞車馬賦茅齋。

寄來鶴亭主人

德清舊館何時到。雨後春泉定滿池。綠字久無弘景信。紫苔應長少霞碑。數峯烟樹天垂野。千頃鷗波雨散絲。海內交遊多老去。爲誰溪上放船遲。

送王中夫赴安慶教授

太行積雪都消盡。船到舒州水正高。江樹連城分野色。門生加豆薦溪毛。尋原自去書山石。問字誰能載醴醪。爲覓種椒張處士。早收丹實待歸舸。

予延祐己未秋南歸。安慶城東有張教授。與予同舟。從者得椒實數升。至江右種皆成。予復來京師。又十數年。山中椒已無存者。可爲求種。秋過江上行取之爾。

送張兵部巡視運河

畫橋冰判動龍舟。鴨綠粼粼出御溝。使者旌旗穿柳過。人家鳧鴈傍溪浮。桃花吹雨春牽纜。江水平堤夜鳴籌。應有餘波方浩蕩。不令歸楫恨淹留。

謝吳宗師惠墨

念我衰年不廢書。歸囊古墨送幽居。明牕塵影丹同熟。玄圃雲英玉不如。敢爲文章勝虎豹。祇應箋註到蟲魚。研磨不盡人間老。傳與兒孫尙有餘。

再和

慣見天真按筆書。七言宛麗出閒居。誰云太璞無存者。藏在丹房已久如。寫韻臺虛人跨虎。換鵝池暖水生魚。玄霜比似金丹秘。祇得刀圭便有餘。家傳戈法負遺書。得墨深將藻繪居。華采每慚誇既往。平安聊遣問何如。畫殘翠黛愁蛾綠。寫得黃庭辟蠹魚。鬚髮如霜還可染。硯池不敢棄君餘。

三用韻答巢翁就以奎章賜墨賜之

隣父長思長史書。不辭頻謁惱巢居。臨池三月玄霜盡。對月千篇白雪如。賦敵洛波翔翠羽。歌成湘浦賸文魚。故分瀘石松烟色。猶是奎章舊賜餘。

四用韻寄吳宗師奉祠城東岱祀其一謝夏真人送海棠一枝

休奉東封遠獻書。神宮咫尺九重居。香飄秘殿人顛若。靈降方壇樂翁如。水上祓除祠候燕。雨中歸牧夢占魚。此時最憶風雲地。濯濯清沂詠歎餘。定計歸來已束書。高齋虛寂似禪居。好花送與春風共。病目愁看宿霧如。四月落林多野筍。半陂流水足溪魚。今春又過今秋早。一飯跏趺不願餘。

謝吳宗師送牡丹

人人看盡洛陽花。誰似堯夫小小車。高閣每煩君實望。西街還過伯淳家。東風寒食吹烟散。燕子空沼莫景斜。最憶青城坪上樹。樵人祇向檐頭誇。

題著色山圖

江樹重重江水深。楚王宮殿在山陰。白雲窈窕生春浦。翠黛嬋娟對晚岑。宋玉少時多諷詠。江淹老去倦登臨。扁舟却上巴陵去。閑聽孤猿月下吟。

題熊太古畫

亭上長松三百丈。何人可以此經過。窮冬藜杖出同谷。清夏籃輿還曲阿。栖鶴每來從島嶼。老猿時復下藤蘿。王維韋偃久不見。病目摩挲愁奈何。

送趙伯常自中臺出貳淮憲

淮南地沃偏宜麥。況可扁舟弋鴈鳧。此地正須能賦客。中臺新剖使君符。山城過雨驚春盡。野老扶藜到日哺。行部若臨江岸闊。烟波冉冉有漁夫。

送淨慈書記

寒梅的的西來意。翠竹青青劫外春。日出碧鷄山作霧。臺空彩鳳地無塵。八年寫遍湖光好。萬里歸來月色新。我在錦官城裏住。白雲滿屋使爲隣。

送趙秉彝因王君實末章以起句

朝裏儒冠盡白頭。斯言三復使人愁。芳叢獨見芝蘭樹。蚤歲不矜稗稗秋。藏書靈谷訪遺老。把釣清江懷

故侯。大中梁棟小榱桷。匠氏尋引還相求。

題畫

緝熙殿裏御屏風。零落誰收百歲中。錦樹總含春雨露。畫橋猶是舊青紅。花開陌上懷歸燕。潮落江頭送去鴻。何似綠波生太液。絳桃風急綵船東。

城東觀杏花

明日城東看杏花。丁寧兒子蚤將車。路從丹鳳樓前過。酒向金魚館裏賒。綠水滿溝生杜若。煖雲將雨少塵沙。絕勝羊傳襄陽道。歸騎西風擁鼓笳。

題張希孟中丞送畢提點申達卷後

十年七聘不還朝。起爲飢民夜駕輶。嘉樹百年誰忍伐。生芻一束不能招。西州華屋交游少。北海清尊意氣消。欲寫濟南名士傳。泉聲山影晚蕭蕭。

寄海南故將軍

海上風來五月秋。晚涼應上木蘭舟。金盤丹荔生南國。玉椀清冰出北州。狂客醉時花作陣。美人歌罷月如鉤。期門舊識將軍面。從獵還披翠羽裘。

次韻宋誠甫學士城南訪病莫歸

騎馬城南覓舊題。飄蕭蓆帽碧雲低。東風花柳過韋曲。落日兒童唱大堤。繡閣豈無和玉髓。錦囊還有鑄金蹄。歸來吟轉樓頭月。池冷夫容翡翠栖。

寄泉南三老人

春城連海樹扶疎。中有幽人八十餘。庾信流傳江左賦。伏生零落濟南書。鄰翁社舞尊多酒。弟子晨炊饌有魚。前代衣冠今絕少。故懷三老載安車。

次韻答衆仲助教相壽之句

老牛無力服柴車。道遠鞭驅未到家。碩果常留霜後樹。寒梅深辨雪中花。青城萬里懷空谷。滄海千年望太霞。賴有良朋相慰籍。釣竿隨分倚江沙。

題康里子山尙書凝春小隱六韻

翠玉府中香滿袖。凝春亭裏看花開。綵雲近席微風動。紅日當牕好客來。西海珊瑚階下長。東家胡蝶雪中回。竹深每聽尙書履。池煖時分太液盃。鳳珠浮烟金錯落。鵝羣隨水白氍毹。人間應得函封帖。青李來禽繞舍栽。

次韻杜德常博士萬歲山

秘閣沉沉便殿西。頻年立此聽春鷗。風搖翠岸新生柳。雨浥銅池舊產芝。玉儿由來常咫尺。衡門此日遂栖遲。申生欲去柴車在。杜甫長吟雪鬢垂。墨沼遊魚翻宿藻。畫檐飛燕冒晴絲。山中竹簟涼如水。應夢鈞天九奏時。

次韻宋顯甫

御溝雪融三月初。鳧鷖鴻鴈總來居。葡萄水綠可爲酒。楊柳條青堪貫魚。迤邐天河起箕尾。滉瀟雲海浮

青徐舟前花落。傍飛燕隄上風來。濕舞裾。翠輦時留金駉。鬢錦波不著玉夫渠。臨流宋玉偏能賦。莫待東都客問予。

絕句五言

燕陳公子宅贈燕學士

落日照大隄。花間聞馬嘶。城頭鼓角起。相送五門西。

宣和墨竹寒雀

洒墨寫琅玕。深宮春晝閒。蕭條數枝雪。不似紇于山。

上馬

眼昏身手鈍。上馬怕風沙。祇好扶藜杖。循籬看落花。

題且僉司所藏慧甄腐瓜行蟻圖

瓜腐來螻蟻。梧生致鳳凰。荒園空宿雨。阿閣自春陽。

雙鴛圖

戢翼石梁陰。秋風日夜深。使君莫行野。江水蕩人心。

畫扇雀竹

啄粟野田莫。飛鳴亦求雌。誰家江上雨。發船歌竹枝。

畫扇柳蟬

不食遂終日。長吟如老翁。金盤九秋露。玉樹一絲風。

畫雙蝶

舞罷庭花落。池邊看睡鼻。無端雙蛺蝶。飛上繡羅襦。

商德符畫松

松根生茯苓。松葉纏兔絲。服之可長生。歸哉南山陲。

河梁泣別圖

落葉滿長安。秋風漢節還。裁詩寄歸鴈。三月到天山。

題蒙古松壑書

長風壑中來。吹雨洒高竹。憶昔曾見之。終南跨黃犢。

捕魚圖

網罟日相從。天寒澤國空。釣竿長倚樹。老却渭川翁。

子昂畫

拂石叢竹間。采蘭幽林下。遊子憺忘歸。何以遺遠者。

右

松上一枝雪。竹間千本蘭。江濤嗟遠道。風雨憶春寒。

雜寫

韓子登華封。縣令捐其階。囂呼始得下。亦不傷雅懷。

右

粵人善操舟。先去令人愁。今年水未落。不見蓴鱸秋。

右

狂罵人不怒。徒然傷天和。問君丹丘月。當勝白蘋波。

右

雲間陸士龍。寧知千金貲。文章倘有取。論薦何愧辭。

右

長鬚一握雪。昏目九重雲。不爲成去計。猿鶴皆怨紛。

右

夕望姑蘇月。晨瞻太湖波。金章還闕下。隨意覓漁簑。

右

貪祿戀君恩。三年金馬門。願於堯舜世。頭白老人村。

題柯敬仲雜畫

北苑今仍在。南宮奈老何。青山解浮動。端爲白雲多。

右

雨過蒼苔石。雲生楚岸泉。幽懷春冉冉。稚子秀娟娟。

右

鐵石餘生色。冰霜作曉妍。春雷明日起。何處尙龍眠。

右

雨過黃陵廟。蒼梧雲正愁。何時倚虛幌。對此滿林秋。

右

江上秋漠漠。風雨晚蕭蕭。千載誰相識。惟應待老樵。

右

昔過箕箒谷。鈎衣石角斜。擬尋龍作杖。拾得上天槎。

右

黃金千瑣甲。瑠玉六簾鈎。雨送鴛鴦夢。烟籠翡翠愁。

右

娟娟生玉潤。楚楚作金聲。羽扇迎風定。羊車過月明。

右

峽口春雲重。江南夜雨多。水深桃葉渡。風急竹枝歌。

右

蒼涼初出口。黃落早知秋。不遇采芝客。寧知叢桂幽。

右

明堂要梁棟。大匠取修直。鬱屈崖石間。秋風動蕭瑟。

右

平陸蒼龍起。近山生遠烟。前村三萬頃。明日水平田。

右

莓苔生石路。翠竹自交加。不惜青鞵濕。臨流踏白沙。

右

昨夜采樵去。偶逢三尺枯。山人不到海。不識是珊瑚。

右

瀟洒一枝新。惟堪掃淨塵。白雲在窗戶。留作老僧隣。

題李漑之學士湖上諸亭

烟蘿境

玉女乘烟霧。松間采薜蘿。飛行了無跡。明月送空歌。

金潭雲日

金沙灘上日潭底見雲行。祇有琴高鯉。時時或作羣。
漏舟

春水如天上。秋潭見月中。如何列禦寇。猶欲待冷風。

紫霞滄洲

洞裏琴鳴澗。洲前棹入雲。擬尋雲谷叟。同訪武夷君。

秋水觀

湖深山影碧。天淨月光空。幸自無波浪。蘋花謾晚風。

無倪舟

三周華不注。水影浸青天。不上銀河去。空明擊棹還。

紅雲島

日出湖邊曙。雲生島上紅。綵舟移曲岸。白塵對微風。

蕭閒堂

受業蕭閒老。令人憶稼軒。高堂何處是。湖曲長蘭蓀。

松關

黛色浮空表。蒼髯積雪邊。鷄鳴從此度。掉臂向秋天。

大千豪髮

善聽返無聲。善視入無覩。還將一緒雲。散作萬山雨。

觀心

炯炯燈留室。微微息若存。仰探當月窟。俯察識天根。

題熊太古畫

路過秦時檜。家留蜀道山。長安都看徧。回首入柴關。

右

海內此亭古。幽村春事多。扁舟歸未得。江水已生波。

敬仲竹樹古石

雪樹寒逾勁。霜筠晚更修。玄雲動蒼石。令我憶湖州。

六言

題柯博士九疑秋色圖

余獨游兮洞庭野。雲徘徊兮天將雨。望九疑兮不可見。結幽篁兮聊延竚。

題柯博士畫

登孤丘而望遠。見江上之楓林。放余舟兮澧浦。何天高而水深。

道園學古錄卷之四

在朝葉四

芝亭永言

絕句七言

次韻竹枝歌答袁伯長

沙禽東去避網羅。蕩舟相逐如遠何。越山青青越女白。從此勞人魂夢多。
春江風濤苦欲歸。東盡滄溟南斗低。明年白日百花靜。憶个琴中烏夜啼。
燕姬當壚玉雪清。簫中吹得鳳凰聲。不及晴江轉柂鼓。洗盞船頭沙鳥鳴。

木夫容

九月襄王宴渚宮。霓旌翠羽度雲中。滿汀山雨衣裳濕。宋玉愁多賦未工。

水夫容

長洲宮沼醉西施。蕩漾蘭舟不自持。願奉君王千歲樂。一盤清露玉淋漓。

送四川憲使

晚趨嚴召直承明。侃侃論思歲未更。國老不應持節去。鄉人徒羨過家榮。
錦溪園裏千尋竹。夏日移床就綠陰。烏帽練衣邛竹杖。閒來誰與共清吟。

已歎玄經返墨池。復愁國史奉嚴祠。離鄉遊子歸仍晚。獨對東風惜鬢絲。
小東郭外今無舍。萬里橋西況問田。不恨錦官非昔日。但尋玉局是何年。
龍游峽口芝千本。仙井山中玉數蓼。老去首丘天所念。未甘孫子祇東南。

曹將軍馬

高秋風起玉關西。踣鐵歸朝十萬蹄。貌得當時第一匹。昭陵風雨夜聞嘶。

舊屋

舊屋已屬他人家。臨風且復立江沙。欲從子雲訪墨沼。更向少陵尋浣花。

誰家

誰家結屋倚江湍。五月湍聲入座寒。種樹已堪維馬騎。開軒即可把漁竿。

馬圖

昔在乾淳撫蜀師。賣茶買馬濟時危。鄉人啜茗同觀畫。解說前朝復有誰。

先君太史棄諸孤之四年。集來吳門省連州府君大墓。始見叔父南山翁。翁與集同出太師雍國公。蓋四從矣。翁曰。後會未可期。幸留數語識歲月。翁方客授外鄉。又以推人生年月日論禍福以助道。故不能久留城中。敢用賦此以承命云耳。

玉屏古柏與天齊。使過于今又七期。各道遺書向江上。西風江水鬢絲絲。
玉遮墓下有諸孫。東望滄波每斷魂。泣血三年餘喘在。更將衰淚灑荒園。

族人散處江南郡。不識音容但記名。世澤須令孫子憶。故家今幾尙簪纓。

王母圖

瑤草春深晝日閒。靈芝清露自怡顏。雙成吹徹參差玉。八駿人間去不還。
偷桃小兒癡且妍。恃恩無賴更蒙憐。竊翻雷電天公怒。風雨落花紅九川。
黃竹遺墟白雪高。空桑戴勝向晨暉。茂陵多欲非仙器。枉賜金盤五色桃。
西望瑤池斗柄旋。金明水淨月娟娟。請觀阿母神仙籍。名在龜山第幾篇。

竹杏沙頭鷓鴣

蛺蝶飛來石竹叢。羅襦曾試繡紋重。荷花啼鳥銀屏暖。臥看牕間唾碧茸。

閩州海棠

閩州城南天下稀。海棠參天鸚鵡飛。百年高興竹蕭散。老著西江何日歸。

畫猿

冷泉亭下呼常到。巫峽舟中聽更愁。老石枯藤還見汝。因懷經處思悠悠。

記夢中詩三首

祝融君。紫虛君。率子廉。

出海雲霞九色芒。金容混濛瀋水中央。向曾賜服玄洲玉。今結蕭臺五鳳章。
飛步崔嵬上九宮。親題彩筆篆明虹。玉樓臨海連天碧。待子扶桑鶴出籠。

失脚漁磯返棹遲。幾回石上候來期。老翁岩下諸年少。總解題詩笑鬢絲。

題周東陽進士爲南郭園林記後

南郭名園纔隔縣。好添花竹又清時。歸來未老柴車在。百里尋春定可期。

維摩

二士同開不二門。是何境界擬評論。若爲普供諸香飯。貴得薰聞悟識根。

錢舜舉折枝夫容

白髮多情憶劍南。秋風溪上看春酣。剪來一尺吳江水。擬比千花濯錦潭。

商德符小景

商公昔者觀秦蜀。劍閣崢嶸筆底開。又向江南住三載。不爲廬阜卽天台。

天曆改元十月題子昂馬

朝廷無事日從容。太僕承恩出九重。前代王孫今閣老。只畫天閑八尺龍。

寄馬伯庸尙書

江上河豚次柳花。三月淮舡當到家。賜金盡賣買田舍。坐對八公吟日斜。

商德符小景

五老峯前屢往來。紫雲如蓋蔭崔嵬。十年京國頻看畫。最愛高僧坐石苔。

賦故宋李忠襄公植烏石渡舊隱

窈窕幽篁帶薜蘿。青春白日坐蹉跎。試詢烏石江頭水。寧有微波接汨羅。
訪杜弘道長史不值道中偶成

雨浥輕塵道半乾。朝回隨處借花看。牆東千樹垂楊柳。飛絮時來近馬鞍。

聽雨

屏風圍坐鬢氎氎。絳蠟搖光照暮酣。京國多年情盡改。忽聽春雨憶江南。

春雲

春雲漠漠度宮城。樓雪初融水未生。行過御溝成久立。起頭枝上有流鶯。

與趙子期趨閣

日出風生太液波。畫橋千尺彩船過。橋頭柳色深如許。應是偏承雨露多。

玉堂讀卷雜賦次韻

待漏宮門聽鑰開。袖中進卷總賢才。奏名殿裏千花合。傳勅階前好雨來。
千花覆檻柳垂絲。晝刻傳呼淑景遲。聖主自觀新進策。侍臣簪筆立多時。
文章光焰貫長虹。來者無窮去者空。頭白眼昏心力盡。高堂深夜燭搖紅。

題陳衆仲助教送人之官南平序後

我憶錦溪最上原。春雲爲雨日行天。何時獨上溪邊閣。不待冷風已洒然。

院中獨坐

何處他年寄此生。山中江上總關情。無端繞屋長松樹。盡把風聲作雨聲。
題歐陽原功少監家柯敬仲畫

洛陽日日水生波。翠袖黃裳晚櫂過。珠樹月明花婀娜。鳳毛春暖綿婆娑。
楚宮朝雨過江潭。燕燕新來試浴蠶。庭下錦衣皆稚子。牕前秀色是宜男。

子昂人馬圖

綠衣奴子十七八。面如紅玉牽馬過。繡簾美人時共看。堦前青草落花多。

紹興間臨安士人有賦曲一春長費買花錢。日日醉湖邊。玉驄慣識西湖路。驕嘶過沽酒樓前。紅杏香中。簫鼓綠楊影裏。鞦韆晚風十里麗人天。花壓鬢雲偏。畫船載得春歸去。餘情付湖水湖烟。明日重扶殘醉來尋陌上花。鈿思陵見而喜之。恨其後疊第五句重携殘酒酸寒。改曰重扶殘醉。因歐陽原功言及此。與陳衆仲尋腔度之歌之一。再董此字求書其事。因書之。并系以此詩。

重扶殘醉西湖上。不見春風見畫船。頭白故人無在者。斷堤楊柳舞青煙。
題畫古木

高秋木落洞庭空。岳陽城南多晚風。蛟龍夜護玉壇古。劍影長留明月中。

八月十五日得旨先歸驛騎在門復召還草詔十七日至桓州驛題壁

烏桓東望天無際。祇有銀蟾出海頭。不得吹簫送清夜。禁城鐘鼓度中秋。

子昂幽蘭修竹

舊時長見揮濠處。修竹幽蘭取次成。欲把一竿蒼水上。鷗波千里看雲生。

子昂竹石

數尺琅玕近玉階。連昌宮苑少人來。庚庚蒼石如人立。恐有題名上紫苔。

畫竹石

井中墮却翡翠釵。海上拾得珊瑚鈎。蒼龍過雨影在壁。斷雲零落令人愁。

篔簹谷中春事晚。老鶴俛啄莓苔生。長鳴夏夏雨氣潤。舞羽翛翛山月明。

酬書巢送棕帚

積雨蒼苔路不分。松華盡日落紛紛。塵埃滿袖歸來晚。誰與柴門掃白雲。

子昂畫

棠梨枝上白頭翁。墨色如新最惱公。直似故園花石外。銅盤和露寫東風。

送上黨長

春雨人參長紫苗。縣庭無事坐終朝。俯看雲氣千山表。野有新田市有謠。

畫馬

蕭條沙苑貳師還。苜蓿秋風盡日閒。白髮圉人曾習御。長鳴知是憶關山。

虢國夫人學畫眉。宮門催入許先馳。春風十里聞薌澤。新賜金鞍不受騎。

畫羅漢

虎嘯千山木葉空。晴空無處著神通。蒼龍浴罷軍持水。閒玩明珠似日紅。

題納涼圖

百頃芙蓉水滿隄。綺牕只在畫橋西。羊車薄莫過湖曲。驚起鴛鴦不並棲。

題畫

松戴蓬萊山上雪。竹含滄海岸邊風。三更月上誰能看。唯有河東學劍翁。

題趙子固山礬瑞香水仙叢蕙

梁園池館日蒼涼。飛蓋追隨憶故鄉。澤畔行吟春事晚。時時駐屐近微香。

息齋竹

紫貂蚤解獵圍騶。一棹夷猶雪滿簪。山雨欲來春樹暗。盡將情思寫江南。

冬至前一日答吳宗師

緜緜微息起黃庭。仰望搏桑拂帝青。海上鶴來知有意。手持楊許寫來經。

題吳彩鸞所書唐韻

豫章城頭寫韻軒。繡簾翠地月娟娟。尋常鶴唳霜如水。書到人間第幾篇。

壬申芝亭春帖子

祇今江上無茅屋。何日成都有薄田。若荷聖恩歸去蚤。東風擊壤慶堯年。

髮從更白三千丈。身似初生第一春。久向黃庭留白鶴。偶隨華蓋駕蒼麟。

東風吹雪著髭鬚。目力都妨讀舊書。兒子總堪供稼穡。故人還許共樵漁。一種芝蘭異楚薪。儀如鸞鳳氣如春。他山借石成瑚璉。莫負深耕種玉人。

華萼樓宴集圖

華萼樓前翠輦來。寧王吹笛百花開。夾城誰敢爭馳道。獨對霓裳進玉盃。

爲歐陽學士題子昂墨竹

蒼崖倚木雲千尺。新筍穿林玉一雙。若到瀟湘聽夜雨。定知剪燭向西牕。先生歸到歸鴻閣。閣下應生此竹枝。定有鳳凰來共宿。可怜翡翠立多時。

送道士趙虛一歸金陵

三月二十五日。集侍立延閣。上顧問集。嘗至金陵否。集謹對曰。嘗到。又曰。冶亭是汝所題。往年八九至其處。新松當長茂矣。集謹對曰。臣猶是未種松時到也。近臣奏曰。玄妙住持道士趙虛一所種也。上曰。然。又顧問集曰。已陞觀爲宮。汝知之乎。集謹對曰。臣奉勅題榜賜之矣。是日歸虛。一來別歸江南。卽告以聖上不忘冶亭之意。又三日。吳大宗師賦詩贈行。董先生爲持卷來索賦。因錄所得聖語如上云。春明晝侍奎章閣。聖上從容問冶亭。爲報仙都趙貞士。新松好護萬年青。

題子昂春江聽雨圖

越鳥巢南枝。所欲得於江湖之上者。甚不多也。區區不余畀。覩此慨然。憶昔江湖聽雨眠。翩翩歸鴈度春前。數株古木依茅舍。老去何年踏釣船。

賦思州田氏楊夫人柏舟堂

白髮高堂晝霧昏。自將忠義教兒孫。邊傍種得千株柳。春雨深深荷主恩。

次韻杜德常典籤秋日西山有感

落日龍舟山下回。寺門依舊對山開。霜凋碧樹烟生草。從此頻傷八月來。
百頃夫容野水光。石梁秋日度流香。空遺玉座臨高閣。只有金仙住上方。
閣上露華生翡翠。潭陰日色射金虬。舊時車駕迎風動。此日闌干傍水流。
每進文章出殿遲。日華西轉萬年枝。甘泉罷幸楊雄老。滿鬢秋風不受吹。

題畫柯敬仲雜畫

夢裏江南憶舊遊。明璫翠佩不勝愁。一鉤纖月清如水。吹笛何人共綵舟。

黃筌夫容乳狗

西槩初聞效貢來。金毛覆地不凡材。騶虞麟趾同靈囿。抱子花陰臥石苔。

題柯敬仲畫

牽牛引蔓上棠梨。上有幽禽夜夜栖。自有秋風動疎竹。江南落月不須啼。

題蔡端明蘇東坡墨蹟後

天際烏雲含雨重。樓前紅日照山明。嵩陽道士今何在。青眼看人萬里情。此蔡君謨夢中詩也。僕在錢塘。一日謁陳述古。邀余飲堂前小閣中。壁上小書一絕。君謨真跡也。綽約新橋生眼底。侵尋舊事上眉

尖。問君別後愁多少。得似春潮夜夜添。又有入和云。長垂玉筍殘粧臉。肯爲金釵露指尖。萬斛閒愁何日盡。一分真態爲誰添。二詩皆可觀。後詩不知誰作也。杭州營籍問韶。多蓄奇茗。嘗與君謨鬪勝。韶又知作詩。子容過杭。述古飲之。韶泣求落籍。子容曰。可作一絕。韶援筆立成曰。隴上巢空歲月驚。忍看回首自梳翎。開籠苦放雪衣女。長念觀音般若經。韶時有服衣白。一坐嗟嘆。遂落籍。同輦皆有詩送之。二人最善。胡楚云。淡粧輕素鶴翎紅。移入朱闌便不同。應笑西園舊桃李。強勻顏色待春風。龍觀云。桃花流水本無塵。一落人間幾度春。解佩暫酬交甫意。濯纓還見武陵人。固知杭人多慧也。

祇今誰是錢塘守。頗解湖中宿畫船。曉起鬪茶龍井。七花開陌上載嬋娟。白樂天。蔡君謨。陳述古。蘇子瞻者。杭守也。

老却眉山長帽翁。茶烟輕颺鬢絲風。錦囊舊賜龍團在。誰爲分泉落月中。三生石上舊精魂。解后相逢莫重論。縱有繡囊留別恨。已無明鏡著啼痕。能言學得妙蓮華。贏得春風對客誇。乞食衲衣渾未老。爲題靈塔向金沙。

丹丘柯敬仲多蓄魏晉法書。至宋人書。借百十函。隨以與人。弗留也。他日獨見此軸。在几格間。甚怪之。及取觀。則吾坡翁書。蔡君謨夢中詩。及守居閣中舊題也。第三詩。以爲不知何人作。其軒轅彌明之流。與陳太守放營妓三詩。亦辱翁翰墨。流傳至今。亦有緣耶。卷後多侍紙。敬仲求集作詩。識其後賦。此四首。是日試郭妃墨。但目疾轉深。不復能作字。又知年歲後。雖若此者。亦尙能作否。臨楮慨然。至順辛未二月望日。蜀人虞集書。

題著色山圖

巫山空翠濕人衣。玉笛淩虛韻轉微。宋玉多情今老矣。閒雲閒雨是耶非。

題東坡帖

東坡先生書少陵翁負薪行。筆力與辭氣同一高古。憶在江上聞舟人竹枝一首。謾識於此。魚復浦前春水生。負薪渡江初月明。憑郎莫下巫峽去。楚王宮殿在專城。

題畫張彥輔小景

山下吳王避暑宮。宮前浪起白蘋風。抱琴響屨廊頭去。多是扁舟笠澤翁。

題李氏青溪精舍

昔逢李白青溪上。醉著宮花紫綺袍。松雪落崖迴晚櫂。海風吹月見秋豪。

題李氏浩然堂

水滿青溪花滿叢。浩然堂上看春風。小車還過溪頭去。徧看青山似洛中。

聽雪軒

樓前宿鷺起星河。近歲江南雪轉多。投老鍾山寒不寐。滿山松竹夜如何。

放鶴亭

山人不受北山移。春雨開田種紫芝。昨日華陽真逸到。借令過海問安期。

臘日偶題

大藥無功卦氣銷。等閒雙鬢雪飄蕭。東家釀得黃精酒。說道凌晨許見招。
舊時燕子尾毵毵。重覓新巢冷未堪。爲報道人歸去也。杏花春雨在江南。
無題

夏簾琅玕冷於水。綠鞵烹魚手操匕。西風歸燕杏梁深。恨不身先貴人死。
與陳升海

門外大風都不起。牕前卷書淨於水。匡廬道士上清來。吹笛數聲月明裏。
與陳道士

門外大風吹樹倒。牕下燒香禮黃老。日午誦徹大洞經。白鶴隨人啄瑤草。
題扇與周幹臣

玉疊松花蜜餅香。龍珠星顆露盤涼。遙知環碧樓中坐。翠竹蒼松夏日長。

樂府

次韻禮院孟子周僉院秋夜曲二疊

天闊秋高初夜長。浮塵銷盡霧蒼茫。澄澄孤月轉危墻。金井有聲惟墜露。玉階無色乍疑霜。不聞人語只
吟蛩。

風力清嚴掃莫煙。纖塵不礙月嬋娟。太虛那得有中邊。大地山河空復影。九霄宮闕舊無傳。幾承劍氣一

飄然。

招熊少府

南阜小亭臺。薄有山花取次開。寄語多情熊少府。晴也須來。雨也須來。隨意且銜盃。莫惜春衣坐綠苔。若待明朝風雨過。人在天涯。春在天涯。

廬山尋真觀題法曲導引

闌干曲。正面碧崔嵬。嵐氣着衣成紫霧。墨香橫壁長蒼苔。爲白玉蟾詩。柏影掃空臺。江海客。欲去更徘徊。霧鬢雲鬢何處在。風泉雪磴幾時來。鶴翅九秋開。

題梅花寒雀圖

殘雪曉。牕外幽禽小。春聲初動苦枝裊。花落知多少。春起早。苦被東風惱。綠陰青子歸來好。滿徑生芳草。

柳梢青題楊補之梅花

至順癸酉立春。客有持逃禪翁此卷相示。清潤縑藉。使人意消。因所題柳梢青調。亦賦一首云。

從別幽華。玉堂金馬。十載忘家。橫幅疎枝。如逢舊識。同在天涯。荒村茅屋。欹斜待歸去。重尋釣槎。解卻絲鉤。青鞋藜杖。翠竹江沙。

風入松

畫堂紅袖倚清酣。華髮不勝簪。幾回晚直金鑾殿。東風軟。花裏停驂。書詔許傳宮燭。香羅初剪朝衫。御溝冰泮水。揆藍飛燕。又呢喃。重重簾幙。寒猶在。憑誰寄金字泥緘。爲報先生歸也。杏花春雨江南。

頌

皇太子受寶頌有序

臣某等敬觀皇太子受寶於行幄。謹再拜稽首而言曰。臣聞古之所謂能以天下讓者。審幾於先事。謂之至德。既勸而庸巽。謂之予賢。是皆人道之常。而未若今日之盛者也。我皇太子以人文之資。智勇之德。常撥亂反正。以續祖宗之統。則躬當大難。嬰犯霜露而不辭。及功成治定。既膺歷服之歸。則推奉聖兄。謙居儲貳而不伐。剛明之斷。堅於金石。而無變。素定之誠。質諸天地。而無疑。求仁得仁。若處固有。樂道忘勢。訢然無爲。此實帝王之所難能。古昔之所未有。而卓然特見於前後千萬世之內者也。臣嘗讀周易。而觀於乾龍之象。自潛至躍。時升位異。九五天飛。中正極矣。益進而上。庸知退乎。而仲尼之讚上九曰。唯聖人知進退之正。言非聖人不能及此。噫。仲尼發此義於千五百年之前。而昉見其事於聖代。宗社生靈。萬世無疆之福也。於乎盛哉。臣等幸以文學。得備延閣之顧問。親逢盛禮。爰敢作頌以獻。頌曰。

於穆皇儲。文武聖明。於赫大帝。受命輯成。天運日行。旣明旣健。神交意孚。曾是脩遠。帝載龍旂。其行遲遲。萬民僊來。皇儲有思。載思載瞻。于廬于旅。式好在原。莫敢寧處。風雨孔時。道無游塵。肅肅鑾車。通宵及晨。帝曰勞止。毋趣行邁。會言近止。交喜更慨。灤陽之京。世皇所營。我母卽安。次于郊垆。垆有豐草。雨露旣渥。差嗣于牧。繁纓濯濯。皇儲攸止。百靈具扶。羣臣受詔。奉寶來趣。維時蘊積。龍光上燭。祖宗之傳。景命攸屬。寶來自天。追琢有章。卿雲隨之。五色景芒。有親有尊。有友有愛。以承武皇。聖孝斯在。古人有言。兄弟家邦。

咨爾臣庶於乎勿忘。史臣作頌，丕昭盛德。既壽以昌，子孫千億。

郊祀慶成頌

奎章閣大學士光祿大夫。臣忽都魯都兒迷失等言。臣聞天子有天德，則克當天心。以享天命，故其爲禮必親祀上帝，而尊祖以配之。所以明乎大寶之位，付受繼承之公。至誠而無妄者也。粵若至順元年十月辛酉，親祀南郊。前一日，大駕出次郊所。天光低徊，陽煦充達。冰釋于澤，風不鳴條。羣臣駿奔，百靈後先。其在齋宮也，端拱無爲，致思純一。神物表見，雲氣發揮。五采郁紛，彌綸會際。人神之感，已兆于斯。至乎望舒方中，星緯環列。太和磅礴，如時在春。降玄水於方諸，明燿火於紫陞。奉常告具，侍中奏嚴。玄裘迺御，匏勺斯舉。奠圭升燎，上帝臨饗。有神光以致祥，出景星以昭德。熙事備成，坤乾曠隴。乃還次于幄殿，將迎噉於陽谷。應龍嘘其重潤，若霧絢乎層霄。天子又出次而拜貺焉。於是公卿大臣，奉觴上壽。各陳其說，以贊休嘉。天子曰：嘻！予以天地祖宗之靈，克正統緒。君臨兆人，凡所以昭事上帝者，豈私朕躬哉！予惟對越億萬年而無斁者，予何敢不勉於戲。聖人之心，天之心也。故感應之速如此，敢再拜稽首而獻頌曰：

惟皇建國，辨方正位。相其南東，吉土立時。象園于穹，因高于地。稽古有作，以事上帝。昔我皇祖，受命自天。報祭之始，以質爲虔。土宇闢章，彌文日宣。作樂告成，式禮弗愆。赫赫世祖，百度咸秩。成廟繼志，奠此郊域。於皇武老，敬恭翼翼。升配太祖，貽我憲則。禮已始興，命彼儒臣。酌今之宜，考古于文。玉帛犧盛，越席陶尊。將命實來，則有司存。人習見聞，曰茲旣備。惟我天子，聰明睿知。曰惟事天，匪躬莫致。旣裸於廟，又議饗帝。自我踐祚，于今三年。雨暘若時，稼穡廡蕃。孰爲貳携，神發其奸。孰爲不庭，服于師干。衆賢在廷，夙夜濟濟。

入而陳規。出則將美。覈名以實。總綱于紀。一人以寧。萬國咸理。升中于郊。實惟其時。載卜載諏。曰惟辛宜。載祓載齊。我將親祀。無敢弗共。在爾有司。大臣岩岩。小臣閭閻。執衛桓桓。執禮循循。黎民芸芸。衆神殷殷。載嗟載咨。載悅載欣。惟明天子。與天爲一。不饗亦臨。不顯亦式。矧茲來郊。袞冕佩烏。躬酌躬薦。上帝用格。明星景光。卿雲麗天。望之若遙。顧依于壇。常寒而暄。陟降舒安。行禮孔彰。天豈不言。皇皇丕基。明明聖君。億萬億年。盛德日新。以對于天。以保于民。稽首作頌。播之韶均。

銘

劉氏求志齋銘

作事之始。志必先立。如游有方。若射置的。苟不素定。俛俛奚適。是故君子。惟志是尙。灼知常爲。勇往不讓。職有常分。匪求外妄。其志伊何。惟道是義。是達是行。求而得矣。無顯無隱。從事在己。信美劉君。執書受徒。惟志之求。爰表齋居。尙審尙端。勿惰勿迂。

益齋銘

人有不足。則必求益。小人于利。君子于德。雖同於求。實異其物。是故學者。常慎所擇。奪上弗壓。腴下自豐。日極而攻。干凶之逢。知有未崇。道有未隆。力致其功。美積乃躬。齋居君子。去彼取此。善不在大。過不在細。遷之如風。改之如雷。勇無留難。尙鑒茲哉。

陳伯昇新齋鑿北牆之兩端。因空以容。置舍琴書。則遷而寘焉。請虞集爲著銘。其左銘曰。

僭神于深。養威于陰。蓄之有方。奮爲雷風。君子則之。作皮居琴。內密以安。外無侈淫。時出用之。以歌雅南。閒靖永年。勿褻以欽。

中齋銘

醫者

凡人有生。實受厥中。氣有奇偏。或害乃躬。聖神是惻。於過不及。損益實虛。斟酌緩急。約其反歸。藥石則施。中焉而止。教必有師。藝之專成。乃墮於術。善爾齋居。知中之極。

爲潘憲臣作韓氏陶研銘

大陶軒轅范阿泓。搏丹合土水火并。隤然凝質幾天成。重厚密澤堅方平。發揮文章著光晶。磨涅千歲無毀傾。潘甫愛之如奉盈。有虞尙陶爰勒名。

洮硯銘爲陸友仁作

雲生洮中化完玉。膚理縝潤色正綠。保而用之吳郡陸。

韓克莊硯銘

毓德深泓。達材清明。磨礱圭角。浸潤光精。至溥之澤。至華之英。作爲文章。以頌治平。

潭心銘

馮玉得吳先生所遺詩。取詩末潭心字以名齋。豫章揭曼碩旣爲之銘。玉又欲予銘。予奚言哉。姑拾其緒餘。以誦之云耳。其辭曰。

潭有止水。環鄉得中。名之曰心。天光下容。舉體涵空。卽物顯色。日行中天。委景如的。因見而指。謂中在茲。

實無限量。可擬津涯。雖無限量。而有自起。斂微散殊。周流終始。往來有恆。應感不私。天施地生。莫爲而爲。受而生者。明通則一。請視斯潭。汎應何迹。齋居君子。鑒而新之。敬以事天。不其純而。

永思堂銘

先王制禮。一本民彝。粲乎情文。匪強僞爲。惟均受命。心同理一。品節以行。至當有則。執親之喪。哀豈外興。國俗則亡。脫因獨能。知能之良。隨感以見。弗學而合。昭厥本善。善之所推。寧止於斯。君子曰嘻。我其擴之。於惟克思。作聖之事。禽獸是歸。弗思爾已。爾羹爾牆。如將見之。召辱貽名。動必致思。翼翼新堂。孝子所止。以宴以享。皆思之地。服惟三年。喪則終身。死而後已。慎哉爲人。薄化還敦。詎不由此。我銘永思。以錫孝子。

贊

御書贊

欽天統聖。至德誠功。大文孝皇帝。當龍德之淵潛。乃海瓊而于邁。山川近承於潤色。草木咸被於恩光。況乎粲然雲漢之章。照耀下上。昔人有言。天不愛道。地不愛寶。此之謂歟。故武略將軍瓊州安撫副使。臣林應瑞之子天麒。得事上於遊泳翰墨之際。百拜求所以顯揚其親者。乃蒙賜之梅邊二字。以賁飾共祠堂云。至順元年閏七月。天麒朝於京師。來求臣集。述贊於下方。集拜手稽首而作贊曰。天日照臨。萬物咸遂。有生有成。何間遠邇。顧瞻海邦。波濤不驚。上際於天。晨光清明。小臣守土。靖恭厥職。維皇念之。厥有殊錫。維南嘉木。梅作其花。冰雪之英。炫於朝霞。昔者其胄。有若逋者。隱於湖山。託此爲雅。

今以命之輝光其家億萬斯年承我休嘉。

御書贊

天子親除吏至御翰墨以賜之此聖恩之至隆文治之極盛者臣伯單衣被光顯何其榮幸乎臣集謹再拜稽首而述贊曰。

宮中之政昔統冢宰出令詔禮陰教斯在維皇念之慎簡乃僚書以命之雲漢於昭凡我民庶敬共率職永懷忠貞以報天德。

臨川吳先生畫像贊

業廣而精德周而尊釐析羣言以究斯文章甫玄端書册左右豈弟君子天錫眉壽。

自贊

邈乎千載之下而謂古今一時也眇乎五尺之軀而謂天地一體也廓乎不自知其所知也欲乎未能至其所至也俛乎若憂非有傷乎其內也泊乎若休無所待乎其外也服今人之服食今人之食同乎今之人聊以順吾際也讀古人之書頌古人之詩思夫古之人不知老之至也。

魯子翬僉院畫像贊

篤信聖賢之要力求經傳之遺屹乎山嶽之時粲乎日星之垂端居兮憂世之侃侃致用兮儼然而有思絜豈弟之君子庶人文兮在茲。

奎章閣大學士光祿大夫忽公畫像贊

蒼然松柏之堅貞。纘乎圭璋之粹美。慈焉在物之春風。澹若秋淵之止水。抱完器而晚售。逢聖明而特起。紉往哲之緒言。貫聲文而同理。造膝乎帷幄之密。贊化於經綸之始。致清華於崇朝。長詞林以踰記。謙自牧以立誠。勇有爲於信史。受深知於明主。曰嘉遜之君子。開延閣而首召。佇嘉言之來啓。剛不吐而柔不茹。滿知足而高知止。著龜宗社之先幾。麟鳳治朝之多祉。錫眉壽以爲期。儼丹青之綏履。

蘇君真像贊

偉哉蘇君。曰予寧父。廉有所不取。介有所不與。赫奕者有所不趨。澹泊者有所不去。嚴於操持。有所不爲。謹於思慮。有所不語。以詩書爲業。而不虛不疎。以法令爲師。而不深不固。此所以用適乎今。而行合乎古。畫而肖之。萬一得其心素矣。

西夏韓公畫像贊

有序

公姓韓氏。其先靈武人。從夏主遷興州。世掌夏國史。公諱道冲。字宗聖。八歲。以尙書中童子舉。長通五經。爲蕃漢教授。譯論語註。別作解義二十卷。曰論語小義。又作周易卜筮斷。以其國字書之。行於國中。至今存焉。官至其國之中書宰相而歿。夏人嘗尊孔子爲至聖文宣帝。是以畫公象。列諸從祀。其國郡縣之學。率是行之。夏亡。郡縣廢於兵。廟學盡壞。獨甘州僅存其迹。興州有帝廟門榜。及夏主靈芝歌石刻。涼州有殿及廡。至元間。公之曾孫雲南廉訪使道明。奉詔使過涼州。見殿廡有公從祀遺像。歎歔流涕。不能去。求工人摹而藏諸家。延祐間。荆王修廟學。盡撤其舊而新之。所象亡矣。廉訪之孫奎章閣典籤玉倫都。嘗以禮記舉進士。從予成均。於閣下。又爲僚焉。間來告曰。昔故國崇尚文治。先中書與有功焉。國中從祀廟學。

之像。僅存於兵火之餘。而泯隊於今日。不亦悲夫。先世至元所摹像。固無恙也。願有述焉。以貽我後之人。乃爲錄其事。而述贊曰。

西夏之盛。禮事孔子。極其尊親。以帝廟祀。乃有儒臣。蚤究典謨。通經同文。教其國都。遂相其君。作服施采。顧瞻學宮。遺像斯在。國廢人遠。人鮮克知。壞宮改作。不聞金絲。不忘其親。在賢孫子。載圖丹青。取徵良史。

天根子贊 有序

天根子者。金華葉審思先生也。先生生長富貴家。人世之樂。略已足備。而自幼求道甚切。徧歷諸方。年四十餘。始克盡屏諸累。往來閩粵間。大山叢林。草屋石室。蕭然獨居。宴坐定息。或累數十晝夜。人有疾癘。水旱殃怪之屬。強起之。亦欣然往。應如其禱。而初無所爲也。有西域僧自海上至。海上人長老。識其爲二三百歲人。人扣其道不可得。見先生。獨喜而告之曰。海岸有草。與子採之。嚮瀕立成黃金。先生咲而不受。它日又曰。行吾所能。壽千百歲。不足爲多。吾久擇人授之。無如子者。先生又不受。僧嘆曰。吾先佛所謂大乘根器者。予聞諸莆田陳衆仲者如此。至順二年。聞有天根子北游醫無閭之山。訪其友蘓子訓之徒。予解后見之。則先生也。子從問天根之說。得其言而次第之。作天根子贊。贊曰。

忽乎其乾。隕乎其坤。氣聲軋摩。營霸吐吞。孰鼓其橐。爲此翕闢。往禪來續。生以不息。君子湛默。求端於初。視聽內收。返旋中虛。魏魏尊高。至極之極。能生天地。以及萬物。譬之於龍。斂微保冲。繇繇來升。體完用充。出入百爲。私智妄作。歸求有得。不矜不怍。無以喻之。命曰天根。形銷名亡。獨此之存。迺繇金華。去之海上。神明恬愉。玩此無象。瑤琴翠蕤。枝葉扶疏。靈風鬱迴。光儀發舒。累累重山。日出醴露。茂育無方。以長終古。

橐駝圖贊

皇武肇迹。宛宛龍漠。其居其康。輯乘爲郭。有服維駝。礪肉載嶢。毳旃帷房。條輓篋鞞。軋軋千里。載泉千橐。黃頭羔裘。騎引顧却。人習見聞。聖獨有作。深宮穆清。思詔勤約。手著厥初。伊勞匪樂。公劉纘稷。于邠式廓。裹餼啓行。致祚八百。史臣作雅。稽古允若。

大象圖贊

皇帝畫大象二贊。皇太子監察御史前典寶少監臣忽禮台承命裝潢而寶藏之。翰林直學士臣集再拜稽首而作贊曰。

有偉馴象。貢自南域。條革鏤錫。路車是服。維皇在輿。游目於式。任重持安。眠力知德。燕閒以思。寫之几格。天章龍文。臻妙造極。嗟爾微勞。尙軫宸臆。師武臣能。有不察識。若稽庖羲。受圖布畫。遠取不遺。以啓神易。擬茲形容。克配古昔。臣用述贊。與世作則。

謝靈運小像贊

刊山木以遐眺。抗浮雲而脫屣。望高秋兮極浦。見夫容之出水。